

永樂大典

卷一萬四千一百

三十一

永樂大典卷之一萬四千一百三十一

四齊

第

及第五

宋汪玉山集及第謝丞相啓。清問揚廷。獲預詳延之列。嚴宸賜第。椒居充賦之先。揣義質之無庸。玷魏科而非據。峻競失次。辭避莫違。竊以國家之安危。繫於人才之進退。號稱多士之衆。必曰先王之時。上而三事大夫。下而百司庶府。凡厥在位。罔匪正人。有臺有棗。德音是茂。或新或熟。髦士攸宜。若采芑於新田。若著莪於中沚。額俊以尊上帝。養賢以及萬民。所以用之而不窮。抑亦求之焉有道。始於教養。終以賓興。德進言揚。廣開數路。鄉舉里選。曲盡群情。敷奏其言也。必明試而後庸。論辨其才也。必位定而後擢。朝廷有責實之政。君相有知人之明。如其不登。何以得此。至於後世。竊失遺風。選舉法存。祇以塞人情而應故事。仕進流冗。類皆違時好而取世資。上有取士之名。士無學古之志。雖曰無似。常以爲憂。洪惟真人。兼承丕緒。體先舜之孝弟。躬文武之勤勞。方當干戈多事之時。不替科舉三年之制。蓋欲講求於闕政。亦將搜攬於遺才。共圖復古之康功。仰繼得賢之

永樂大典卷一萬四千一百三十一

盛事。豈於今日。徒尚空文。宜有間出之異人。來副旁招之妙選。如某者。賦才短拙。稟性頑蒙。學僻而迂。齒少且賤。離疏釋僑。粗求師友之淵源。研精覃思。莫見聖人之涯濶。姑守庸愚之學。敢萌僥倖之心。以童稚無聞之人。負賢能所難之任。仰孤君父之意。俯畏朋友之譏。遂省其私。不知所處。此蓋伏過史館都督僕射相公。著龜當代。歸表萬邦。堂堂漢相之風。赫赫周民之望。有剛大不屈之氣。足以任天下之重。有誠明自得之學。足以格君心之非。收拾群才於士風彫喪之餘。發明吾道於邪說縱橫之際。載念帝江之臨鎮。獲觀泮水之規模。漸漬薰蒸。親承德化。獎提誘掖。曲荷春憐。遂致困窮。益勵懦夫之志。粗知趨向。願爲君子之歸。自惟不才。何以圖報。雖無治安之策。上贊廟堂中興之謀。敢以中庸明道之書。永爲座右修身之戒。及第謝信州太守。侍問楓庭。愧乏片言之善。登名桂籍。誤居多士之先。拜命若驚。循涯知幸。竊以四郊多壘。非國家閑暇之時。萬衆臨軒。有社稷安危之計。誠湯問於主論。豈徒徇於空文。宜得間出之異材。來副中興之嘉會。誰云庸懦。首與甄收。如某者。學僻而迂。齒少且賤。離疏釋僑。粗求師友之淵源。研思覃精。莫見聖賢之涯濶。姑守庸愚之學。敢萌僥倖之心。以童稚無聞之人。負賢能所難之任。仰孤君父之意。動畏友朋之譏。遂

省其私不知所處。凌兢失次。辭避無從。某官黼黻斯文。楷模後進。揭二天之日月。臨千里之江山。遂令蕞爾之資。亦沾褻然之舉。空慙晚學。莫仰坡
誰之規。願與邦人共詠甘棠之愛。其為感佩未易名言。王十朋梅溪集及
第謝宰相啓。地借玉階。恭上萬言之對。名登虎榜。濫居千佛之先。揣分
踰涯。撫躬知愧。竊以奏言試功者。堯舜遺意。臨軒取仕者。祖宗令規。一新
熙寧之科。備見神廟之志。謂三題不足發子大夫平日之蘊蓄。而群策可
以陳我國家時政之闕遺。著為永彝。以幸多士。夫何首當時之選者。無切
直之論。遂使擬進士之對者。有阿諛之譏。既波蕩以相承。致源流之寔失。
近代尤甚。澆風益滋。大臣多忌。而動有嫌疑。學者懷憤。而莫伸梗槩。物極
必變。道開始公。申嚴密之禁。而務在令行。防壅蔽之害。而悉闢聖覽。求忠
諫。則丁寧有詔。第高下則寵賤有辭。既當清明不諱之朝。宜得瑰偉非凡
之士。如某草茅賤子。庠序敝生。由行藝以進升。廁英髦而旅試。俯慚俗學
策無可取之。二三。仰懼天威。事去欲陳之五六。念交淺言深。猶或不可。非
主。竊臣質其能有容。龍匪怒其嬰鱗。龜偶居於前列。上自親擢。受知不減
於孫洪言略施行。悟意有踰於賈誼。靜惟僥倖。抑有寅緣。茲蓋伏遇僕射
相公。以道事君。無私應物。垂羽儀於法從。茂著忠嘉。今掌握於化鈞。亟圖

永樂大典卷萬四千五百三十一

二

康濟。比露封章之請。益聞宸聽之聰。獎勵進言。得裴宏中之大體。深銜讓
政。戒李吉甫之褊心。蓋將植太平之基。豈獨為諸生之賜。某敢不益堅儒
業。恪守官箴。勉來事之可為。慕古人而有作。不負天子。惟彈精白之心。願
為良臣。冀奉周旋之誨。過此以往。未知所裁。張叅政胡某官。厚德鎮浮。
宏材拔萃。為一時之耆彦。肇百辟之表儀。明以保身。揖高風於赤松。子任
而共政。繼前列於曲江公。欲振起斯文於委靡之餘。遂將順其美於德納
之際。陳樞密張某官。稟純粹清明之姿。富博洽宏深之學。茂明大對。
擢桂林之一枝。踐歷要途。搏騰程之萬里。風厲宸眷。道握兵權。材兼文武。
而夷夏聳觀。榮冠古今。而縉紳景慕。惟昔漸陽公之德化。竊嘗聞夫子之
文章。方慚不肖其範模。何意先傳其衣鉢。楊侍郎穆某官。學極群書。文
優四傑。纓纓議論。有眉山先生之流風。藉藉聲稱。繼關西夫子之遺懿。尤
矣儒林之冠。儀于從索之班。承師魏市。而既被作成。奏對楓宸。而後膺推
獎。李侍郎某官。模楷士流。羽儀朝著。分符便郡。循良遠過於龔黃。持
素從班。儒雅同稱於班馬。比膺詔特。親職文衡。華委靡而振士風。述忠諫
以當上意。賀侍郎九中某官。為世儒宗。握時文柄。真杜牧於高第。本崔
郎之公心。號李白為謫仙。見李真之雅識。為盛代而開公道。贊吾君而求

永樂大典

卷一四一三二

直言。遂至終膺首膺選擢。劉侍郎才。某官。學校舊人。文章大手。仁為已任。典刑備著於老成。道與時行。德業兼全。其久大峻班。行於筆墨。演誥命於絲綸。主張斯文。提撕後進。王侍郎俱。某官。朝著老成。士林碩望。蚤被知於宸扆。久更踐於禁途。出鎮侯藩。搗黃霸循良之譽。入司圖計。得劉晏取予之宜。欲振起斯文於委靡之餘。故將順其美於聽納之際。陳侍郎亦。某官。器粹珪璋。學深淵海。蚤著士林之望。亟膺宸眷之知。高玉山恬養之風。久淹琳食。復紫雲清華之舊。超冠天官。欲振起斯文於委靡之餘。故將順其美於聽納之際。張侍郎。某官。學海淵深。量度宏大。蚤著士林之望。久膺宸眷之知。居務論思。豈獨得舉劄之理。發明仁慈。並能紹廷尉之平。欲振起斯文於委靡之餘。故將順其美於聽納之際。王舍人。某官。心醉六經。名先四傑。詞章典雅。有漢朝制誥之風。銜鑑精明。繼先公考校之盛。振起吾道。主張斯文。遂令舉首之榮。濫屬宗盟之末。趙舍人。某官。挺秀坤維。結知天眷。策名龍首。茂騰四海之英聲。執筆端頭。益厚一人之寵遇。振起吾道。主張斯文。遂令射策之使。聞報繼傳衣之盛事。周舍人。某官。魏權異材。得蒙要職。龍馭河漢。詞章不減機雲。羽儀天朝。人物有如晉宋。振起吾道。主張斯文。遂令最爾之才。報玷褒然之舉。

永樂大典卷一四一三二

三

孫少卿道人。某官。挺秀岷嶽。騰英庠序。扶勸教之文於方冊。藉袴儒之詠於蕃宣。頃聞來歸。快郎星之先覩。曲臺進擢。仰卿月之清輝。地掌文衡。親承御札。哲鑑獨高於眾目。狂言特薦於匹夫。幸出自天。恩歸有地。周侍御方崇。某官。剛毅不回。精忠自守。雍容禁近。蓮鷁驚而接獲龍。排繫在邪。若鷹鷂之逐鳥雀。比膺詔綽。親職文衡。振收狂率之言。上副聖明之旨。王殿院。某官。受氣剛方。立朝挺正。位升橫榻。益揚蹇諤之風。望著中臺。克盡糾繩之職。力主張於公道。務振起於斯文。遂致安膺。叨膺選擢。凌司諫。某官。勁持不回。端方自守。直言中病。有王魏善諫之風。秦藁屢焚。無管晏暴君之失。力主張於吾道。務振起於斯文。遂致終膺。謀膺選擢。王郎中。某官。問學淵深。氣節洪毅。楓宸射策。名切亞於龍頭。蘭省懷香。望獨高於鵷序。惟文柄之有屬。體上心之欲求。揭以平衡。志不回於馮宿。借之衰衰。言有取於劉蕡。遂令舉首之榮。濫被宗明之末。孟郡王。某官。器粹璣璫。慶傳珪組。襲亞聖大才之儒雅。光隆祐奕世之德勳。政邁龔黃。作股肱於藩邸。望高陰馬。資肺腑於聽親。方詔復蓬萊之遊。俄榮拜瀛洲之長。有光吾道。時振斯文。遂令菟瓊之流。首被甄收之列。陳熙堂。某代。鄧彥通。及第。謝陳達。野運便登。草茅賤士。瞻日月之餘光。稽柏膺

儒奉絲綸之明詔。此古人難以必遇。在今日乃得盡言。敢論末第之微。但慶平生之幸。竊以三代賢能之書廢。兩漢選舉之法疎。道不同條。人為異趣。華藻名家之學。激昂死黨之風。因循東晉之清虛。熱爛李唐之詞賦。功名富貴。尚多有之。用舍行藏。無足道者。賈太傅因譏夫而傷古。張廷尉貶高論以徇君。十事要功。甚矣姚崇之謫。三書自薦。惜哉韓愈之卑。賢者未免有疵。眾人夫復何望。若夫顏子之樂陋巷。孟氏之游諸侯。其處也。藏器待時。其出也。殉身以道。亦曰得君而後用。固非異俗以為高。方嘉會千載。難逢。適大聖萬世一遇。宜展山林之素蘊。以膺廊廟之旁求。志雖止於為貧。進不妨於行義。此所以盟心鐵硯。裹飯棘園。雖鼓瑟不利於于王。而焚舟必期於圖霸。如某者。欽欽歷落。真可哀。潦倒羸疎。已不堪。學詩每懼面墮。下筆固無腹藁。流落喪家之狗。浮沉水上之萍。久待詔於公車。屢隨書於禮部。周全反復者。四千里不啻。險阻艱難者。二十年有餘。呵故將於夜中。誰非醉尉。辱王孫於胯下。蓋是少年。趁時自知不工。立意誠亦有待。乃者長貽繼於畫虎。妄有意於連鰲。復緣鄉吏之薦名。遂預春官之別考。孤軍當隊。遠屬失群。不圖寒族之微。奈在貴游之末。雖道美無路。空餘寸草之心。然捧檄承顏。不負一經之教。靜量春竊。蓋有實緣。此蓋伏遇某官。道

永樂齋卷萬四千五百三十一

四

大兼容。仁深樂育。一麾南園。三載故鄉。衣錦飛榮。復擁八城之寄。登車思治。坐令萬物之春。曾是品題。致蒙枚錄。念昔曳裾而稱客。于今飲板以趨庭。雖禮數之相違。諒故情之猶在。竹頭木屑。既叨暇日之投。馬勃牛溲。願備異時之用。適此以往。未知所裁。郡剛中北山集謝及第啓。丹墀待問。謾懷千慮之愚。清禁臚傳。終玷三人之列。省躬脩潔。聞命震皇。竊以取士之科。得人為貴。然在上者或偏私而自用。則在下者多諂媚以求名。苟容汲黯之志。豈乏劉蕡之策。國家運雅極否。數啟中興。於干戈僅息之時。講科舉必行之至。來此多士。坐之廣庭。聖詔謙恭。深見虛懷之意。衆心感激。誰非流涕之人。宜得英材。式符優選。如某者。東陽冷族。南巷貧家。虛公業於半生。駐姓名之三上。昔遊學校。妄求馬喙以充飢。回顧詩書。似種石田而無效。志雖堅而身向老。祿未及而親已無。瘦馬嘶風。飢鷹側翅。念晉州男子。尚巴葦席以自言。彼新店民家。猶因政穢而得諫。幸側奏名之籍。敢虞犯上之誅。既違斧斤。復叨紳笏。但猶滋味。頗嗟咀嚼之遲。徒愧靴猿。多在叢麕之數。深惟忝冒。實有寅緣。此蓋僕射相公。學貫古今。材兼將相。以周公伊尹之業為已任。以宣王光武之事望吾君。機務益繁。智力旁出。取虞淵之日。再俾光明。堅魏闕之心。不辭險阻。大慰蒼生之望。實為洪業之

基水鑿貴水。無煩乞火。致茲廣瑣。亦預甄陶。某敢不益勵前修。勉圖後效。不能衝躍。過為私已之謀。惟有朴忠。無負恩門之賜。過此已往。未知所裁。芻立方歸。憑集謝及第啓。提無援之孤軍。謂當折北。奮甲飛之弱羽。敢冀圖南。忽驚較藝。以奏名。繼冒臨軒。而賜第。逢辰特幸。揣分奚堪。竊以國莫重於人材。士要先於器識。虞夏商周之際。本德義以明揚。秦漢隋唐以來。用文詞而博舉。蓋深於涵養。則其歸必至於渾厚。而慎於踐履。則所到未易以測量。惟睿主之作成。斯賢才之觀化。國家偶中否之運。聖上挺勅興之資。當用武而尤急於搜賢。方在疾而不忘於試士。以賢良顯俊。而仍舉三年取士之制。以詩賦掄材。而兼求六經探道之人。既容門子之登場。又集宗英而較藝。欲伏俊髦之衆。共扶基本之強。宜得英能。以光拔舉。如某者。碌碌餘子。空空鄙夫。早被訓於鯉庭。旋樞衣於虎背。大小百戰。首末十年。抱製像鈔。屈首短檠之燈火。汗顏血指。何心長缺之車魚。得齒官聯。本緣門調。侵尋歲月。奔走塵埃。念弟兄中第者四人。而父祖聯科者三世。夫壽陵之步。恐負初心。學袁氏之吟。期承素業。再鼓餘勇。復理舊文。旅筆陣之千人。效鉛刀於一割。敢圖精鑿。不棄下材。矧避旁觀之嫌。關付別頭之試。紛然多士。取者五人。非夙荷於吹噓。宜違容於叨冒。茲蓋伏遇某官。

永樂大典卷萬四千三百三十一

五

中興基柱。後學著龜。斯文魯國之真儒。此道商民之先覺。每品題於人物。用培植於邦基。狂狷不達。是亦教誨而已。賤微恭取。而况親炙者乎。實有寅緣。致此僥倖。某敢不格專士檢。篤守官常。勉所不解。鞭其不及。龍門杳杳。粗逃黜類之差。天漢迢迢。更假乘槎之便。王漢濱先生集謝及第啓。階任子之恩。已更賤役。應與賢之詔。復忝巍科。循鄙分以非寫。撫疎才而自愧。竊以國家惟百年之計。留意人才。學者以一日之長。致身科目。凡彼公卿之蹊徑。悉由文字以權輿。始類浮文。終收實用。遂使清朝篤意。謂糊名較藝之足憑。後進希聲。以射策決科為可貴。故此艱難之際。亦嚴搜選之方。神州尚隔於一隅。江表自稱為多士。雖未卜擒胡之月。亦不虛連榜之天。方三祀之亮陰。肅九重而恭默。龍池輟試。將權衡於近侍之臣。屬塔書名。等甲乙於春官之考。訓辭甚切。聖意有加。精求賦日之才。博求濟時之略。謹其聲律。蓋將觀組織之工。訪以古今。所以考經綸之術。自非詞兼服體。才擅數長。則何以副睿哲之旁求。處英賢之上列。如某者。衣冠寒賤。庠序晚生。無遊觀廣覽之資。有孤陋寡聞之累。專心弱歲。攻書劬以徒勞。刻意前修。佩韋絃而自飭。長起功名之意。早遊教化之原。博士一經。生徒數載。月程文藝。屢收得萬之功。秋賦賢能。亦在先鳴之列。自詭穿揚之者。

不知拾芥之難。龍門未躍於西河。鯨鬣遂掀於東海。合繻以出。彈鋏而歸。繼纒風樹之悲。無復星槎之興。十年兵火。脫盜賊於中原。萬里風波。從衣冠而南渡。講道於絕糧之際。談經於絕糧之餘。素志難以安行。嘗險難而已備。偶緣世賞。獲廁官聯。鐵違鑄硯之心。金負滿籬之訓。絕意冥鵬之寥廓。甘心斥鷃之翔翔。然素業傳家。懼弓冶箕裘之墮。青衫入侍。有塵埃播楚之羞。痛自激昂。載加勉勵。家無文史。重興五厄之嗟。官有簿書。更苦三餘之窘。心耗於囊中之句。目昏於檠下之書。過時已覺於難成。中道幾思於自畫。向用朝廷之事。比許還首善之薦名。來求禮部之選掄。偶犯有司之程度。霜蹄遂蹶。鈿氣空呈。復出翅於回轅。獨倚軒於虞阪。功同獲臂。疑骨相之難封。命肖龍章。恨神仙之多障。有求弗獲。欲罷不能。屬詔紳之肆頌。厲辭鋒而再鼓。既與漕臺之計。復觀王國之光。朋來集四海之英。願出畫一時之秀。時方用賦。皆升堂入室之流。士必通經。多專門名家之學。玉有荆山之韞。珠無滄海之遺。可謂盛哉。吁足畏也。方錙銖之必較。忽糠粃以居前。然而求劍刻舟。守舊方而甚滯。擘芋敲葵。追時態以尤疎。文或病其雕蟲。技幾成於畫虎。既瑕瑜之不掩。宜葑菲之俱遺。何圖駢散之詞。猶玷公明之選。人非東晉。莫與劉琨之流。賦異阿房。終居杜牧之下。尚次甲

永樂大典卷萬四五百三十一

六

科之後。獲塵乙夜之觀。自揣奇窮。已為僥倖。此蓋伏遇某官。才高人傑。道契天民。以兼資文武之才。膺注意安危之寄。計存廟社。威名獨重於朝端。位冠臣鄰。風采想聞於天下。久持魁柄。力運化樞。折避衝於敵人。窺伺之務。鎮雅俗於國勢危疑之日。臨大事而不亂。蓋胃中之氣有餘。推至公而必行。故宇內之心自服。國有中興之漸。士無先職之憂。致此膺虛。有茲叨冒。某敢不益崇儒行。勉服官箴。隨所遇於他時。期粗伸於素志。被君相作人之澤。雖匪成才。師聖賢行己之方。則為報德。翟忠惠先生集代轉官賜第謝執政。比膺帝眷。並進官聯。仍拜賜於芝岳。遂登名於桂籍。龍光橫及。感涕交流。伏念某。性昧知方。才疎適變。少為遊學。不能收場屋之功。晚乃遭時。已叨陳侍從之列。荷大均之曲造。懼小器之疾頽。每究動渠。勉圖稱塞。技已窮而難強。力弗給而易疲。至如饋餉之薄勞。乃是轉輸之常職。俾之增秩。固慚恩數之已優。假以決科。更使品流之稍異。自惟何者。可得兼之。此蓋伏遇某官。道濟寰區。功存廟社。削除醜類。既恢經武之圖。擢別率材。更助右文之化。故捐殊賞。以資做軀。某敢不竭節奉公。推誠奉上。謹邦國貢輸之備。識朝廷法令之宜。庶幾此心。何敢云報。陳長方唯室集謝及第啓。技藝南宮。濫居下列。拜恩北闕。遂覩清光。顧事業之空疎。被寵

永樂大典

卷一四一三一

榮而祗慙。伏念某。得依丈席。爰自孤童。意廣而材卑。心空而質薄。磨礪樸
斲。每勤匠氏之功。長養護持。倍費場師之力。訖無堪稱。徒閱歲年。以至過
走師門。獲交多士。指南所自。發軔之初。皆君子之使然。非小生之能爾。誰
知末路。寔失本心。以平生之所聞。望有司而求售。江湖巨浸。中道而乃變
汚潢。培塿學山。卒歲而僅同丘垤。尚祈誘掖。使有依歸。恭惟某官。盛德典
刑。斯文羽翼。忘名忘世。久從造物之游。呼馬呼牛。一聽時人之目。江山宴
坐。聲教郵傳。凡稱斯世之龍門。咸指當今之吳下。昔年如衛武。多齒若商
翁。行膺三老之求。無復五噫之歎。某敢不力行舊學。克謹官箴。無愧前修。
庶幾後日。既下酬於素志。亦上報於深知。史浩鄭莘。真隱漫錄。及第謝泰
太師啓。蘭省奏名。偶忝八士。楓宸唱第。復玷丙科。得過所期。榮不蓋蠹。
竊以先王致治。宜莫急於賢能。後世取人。乃獨詳於科目。自庠序之商周之
教養。致師友無游夏之淵源。黨同伐異者。皆訓詁之腐儒。文釐用寡者。類
彫刻之童子。好惡已殊於鑿枘。取舍每病於參商。亦既背馳。誰其兼善。屬
聖君有禹之目。正賢輔相逢之秋。崇雅黜浮。變斯民之耳目。息邪距諛。大
恢吾道之紀綱。探義理於聖人之言。賢人之言。辨典則於詩人之賦。詞人之
賦。近酌祖宗之遺制。遠追唐虞之頌風。合為一科。期於兩盡。詔音所至。士氣

永樂大典卷萬四千五百五

七

頓中。鼓篋鼎來。揚鞭霧集。懷折角解順之辨。蘊凌雲歌雪之奇。當八面之
銳鋒。應兩端之善問。較以穿楊之藝。莫不爭先。要之折桂之榮。豈誠易得。
如某者。識非造理。才不逮人。蚤罹陟岵之悲。長賴斷機之訓。顧其衰之末
緒。每水炭於中懷。晝供菽水之庭。聞夜對簡編之燈火。棲身巖谷。絕意雲
霄。茲逢偃革之時。遂起彈冠之興。初借漕計。再預鄉書。豈期下里之邑人。
偶逢高陽之才子。賈誼升堂而相如入室。漸非能賦之流。高堂傳禮而徐
氏為容。浪得明經之譽。載惟幸會。必有實緣。茲蓋伏遇某官。道格神祇。敷
隆古昔。以一命哀。為萬乘師。尹躬暨于成湯。天開一德。周公傳之孔子。時
集大成。禮制樂作。而措率土於一陶。仁漸義摩。而起斯文於五厄。力扶王
道。大正人心。俊良既樂於登崇。頑懦亦思於興起。致茲凱歌。亦被選掄。某
敢不增所未高。修其可願。趨風有使。懸執鞭欣慕之心。在治云初。汚造物
甄陶之手。誓竭尋常之效。仰酬萬一之恩。及第謝泰內翰啓。較藝南
宮。偶忝八士。獻言中禁。復玷丙科。揣分已踰。撫躬知愧。竊以古今共道。惟
得賢而立邦基。國家有為。乃觀文而化天下。自堯舜廣招徠之路。至漢唐
發科目之程。識高伊管者。實洛下之諸生。才似班揚者。亦開元之進士。期
翔丹地。比比有聞。照映青編。班班可致。造聖皇之撫運。傳良弼以中興。肆

霖雨之命而追高宗歌清風之詩而繼宣后三歲定棘閣之制四門多槐
 市之游情採布帛駕諸侯之輅傳中求閭閻與刺史之計偕賦就凌雲豈
 唯司馬經明拾芥不數夏侯率歸典雅之流盡去浮華之習寔然出當是
 舉翁爾成高其才至於雄據上游蓋亦醫為名士顧茲殊選宜屬可人如
 某者湖海窮徒乾坤長物鯉庭一問已經陟岵之悲刺室三遷高賴斷機
 之訓救每懷於養志荷鋤敢息於帶經雪積螢飛飽聽宵中之更漏花
 開葉脫幾經林下之春秋屬逢偃革之時遂起彈冠之興秋天薦鴉魯臺
 嘗預於後塵春浪化魚天路俄聞於首唱事既分於霄壤勢因隔於仙凡
 懷卞和泣玉之誠敢辭再別舉孟明焚舟之策當在此行果遺跡於荀龍
 後分香於鄰桂雖度長挈大未足為優而吹枯噬生豈無所自茲蓋伏遇
 某官道優聖域文扶國華絳帳談經鄙向歆之立異彤輝射策極晁董之
 未言遂結主知允諧人望北門視草煥王者之絲綸東觀提綱搗諸儒之
 領袖居之甚寵進也未夾行超青瑣之班即拜白麻之詔門凝瑞氣森然
 畫戟之多位處台躔美矣緇水之並收士尚勤於吐握成人每借於齒牙
 致此辱膺亦蒙采錄某敢不益堅操履深懲進修附驥攀鱗猶念昔年之
 場屋誓刀錯玉正祈此日之陶鑄誓竭萬才仰酬洪造陳止齋集及第謝

水樂大集高上書

八

陳克齋先生啓 北面受經久厠青衿之列南宮擢第偶收黃卷之功起
 自布韋齒之簪統凌兢知愧俯偃歸恩竊以學之邪正繫乎所傳道之廢
 興視其所授事無偏舉理實相資故傳之得其宗則若升泰嶽而知衆山
 僕授之非其人則必下喬木而入幽谷在人之取友必端矣而此亦擇善
 而從之哉易所以當明辯物正言莫難探賸而師所以傳道授業解惑實
 藉舉隅是以漢人之言本之田何焦生之說託之孟氏苟不有先覺之民
 為之倡則孰能使後進之士知所從伏念某知識迂疎氣質卑下掘井而
 幾為廢井學山而不至於高山彫蟲篆刻而旋覺其非切摘韋編而深違
 其旨自志於學已近為今數十年結髮從師雖未若施離之久三萬言訓
 故舉義乃幸讀了公之書故令微蹤蓋竊寸禱恭惟某官受天間氣為世
 儒宗含英咀華而作文章研精覃思以立訓傳偶棲遲於枳棘即騰蹕於
 雲霄而樂善無厭誨人不倦大明君子之教以育天下之才彌綸天地之
 道則先生相與言博博淵泉之功則弟子不能學自憐朽質徒侍絳紗雖
 循循然善誘人與其道不與其退然斷斷兮無他技得其言未得其書豈
 意決科乃能中選究言僥冒皆出提撕某敢不益勵丹心仰酬素願學優
 則仕仕優則學固無卒業之年人而為鬼鬼而為人未盡服勤之義姚成

一雪坡集及第謝年存齋啓。斗瞻重望。願登四海之龍門。天遂初心。得附九霄之鳳翼。沾寸階而非毒。拜文席以為榮。平生所期。一旦而稱。惟先後有相須之理。而感應亦必然之機。東坡慕歐陽子於兒時。竟歸門下。道原為司馬公之文學。遂入選中。立心素有於依歸。造化乃為之成就。使介甫為考官。則東坡在所不取。如熙寧用新經。則道原有所不能。泛觀所述。亦繁於數。其生當後晚。志慕前修。雖愛讀東坡之文。無能為役。偶生在這原之里。竊慕其人。鈞名射利之念甚輕。醫國砥時之心則重。獨於平日。仰止高風。聞其論議。則以為今之歐陽。敬其德望。則以為昔之司馬。無階望履。有志執鞭。偶來群試於蘭宮。忽值並持於藻鑑。恃斯文之有主。可肆斐狂。以直言而取合。果蒙賞識。垂雲霄之隻手。濯江漢之窮鱗。拔之衆人所不好之中。有此諸卷。莫能及之許。賦或譏其體字。公則稱其工緻於發明。論或疑其剽文。公則稱其奇傑而雋壯。謂之撫餘子而立其上。謂之必素學之飽於中。至於三策之敷陳。尤辱一言之獎借。如僕輩不可勝數。豈真在於下風。無高論令今可行。安能動於人聽。雖遇情之聲聞。亦定價於品題。舍稱舍稱。苟亦無然。我為並棄。類我類我。久則肖矣。獨以鉢傳。方憂身之察察。而受物之沈沈。乃謂人之諾諾。不如士之諤諤。不嫌金躍。力與玉

永樂大典卷五十一

九

成。向來欲敬為南豐之辨香。今日乃得拜西山之風采。文章小技。豈盡所長。節義大閑。願與之立。必作硬脊梁之人品。庶為好脚跡之門生。一時未足以盡人。異日當觀其立已。粵從地據。自合振衣。屬當侍對於君庭。未敢謝恩於師席。舍館定而見長者。固負深愆。杖屨撰而侍先生。終修廢敬。蛟身仙舉。肉骨恩深。永言感戴。何敢背負。茲益恭遇某官。國家碩望。宇宙直聲。古者有臣。如汲黯斯進矣。天下欲治。舍孟軻其誰哉。代言猶盤詰之文。作史兼推衡之筆。奉詔求士。為國搜賢。不遺菲葑。俾厠桃李。某敢不力鞭所學。益礪厥修。為歐陽之蘇。而不為之奇。為司馬之劉。而不為邢恕。飲水食鹽。忍凍看梅。蹄潔其身。弗畔於道。從橫對三千字。已撼殿陛之忠。結裏作第一流。庶不門牆之辱。心丹有繡。手墨未殫。及第謝鄭慥堂啓。平生立志。願出正人君子之門。一旦進身。果在弟子門人之列。奉觀書而非喜。在爐冶以為榮。豈惟誇吾榜中之得人。蓋將稱於天下曰知已。雖至寶不為衆好。非妙耳寧賞絕意。韓子之文。好則皆以為笑。悔東坡之學。或者亦謂之縱橫。然而有陸宣公。則置韓於虎榜之間。有歐永叔。則進蘇於龍門之上。非韓蘇之難得。蓋陸歐之罕逢。古之奇聞。今者復見。小材如某。拙樣宵時。非孔孟之書不觀。惟程朱之言是好。求之有道。得之有命。不羨龍

榮通之事。父遠之事。君但知忠孝。屢寒場屋。分甘山林。偶然秋賦之充。聊爾春官之試。靜觀世事。深切私憂。默而不言。是負所學。許而肆論。必忤於時。但思突梯卷轡。以得官。不若拙直狂踈。而失利。矧今時之牟鄭。即古者之陸歐。可恃以言。未為不遇。私意自期。而語口。老天果使之如心。雖云機會之來。蓋亦氣類之感。眇然窺管。曷當卓識之哀。鈍甚割鉛。曷當勁氣之許。至謂已騰蹕餘子之表。又豈止榮華一字之喪。隻手雲霄。惟鱗風雨。非逢春育。幾因冬烘。平生不襲陳言。而疑其剽文。所學一本先儒。而謂之礙理。若然一笑。知者幾何。不入他人之籠中。亦奚所憾。獲出先生之門下。蓋極其榮。向未款敬。為南豐之香。今日乃果得李君之御。文章小技。豈盡所長。節義大閑。願與之立。必作硬脊梁之人物。庶為好脚跡之門生。有此遭逢。何敢背負。茲者恭遇某官。兩間正氣。四海名流。佛望歷時。黃河泰山之高。大狐忠許國。青天白日之清明。主京洋則勇擊姦僞。對承明則極言時事。處已如此。求人亦然。故使小材。遂蒙大造。某敢不如韓於陸。為歐之絲。歸潔其身。弗畔於道。領英雄三百輩。何知科第之榮。作人物第一流。庶不師門之辱。失心已定。腐舌莫宣。王初寮先生集謝及第啓。某啓三月二十三日。勅下禮部貢院。放牒。蒙恩賜前件及第。四月二十九日。廷和殿謝。

宋樂善卷高聖百主

十

思。仍當日釋褐者。鄉老賓能。已塵首舉。春官奏藝。復玷乙科。仰承賜第之優。俯被章身之寵。祗膺甄擢。彌積凌兢。竊以國家之治亂。惟人。世道之廢興。有命。故立非常之事。必得非常之才。懷有為之資。必待有為之際。古今之理不異。彼此之勢相須。以核撲之能。官則文王以寧。以菁莪之樂。育則周士也貴。逮諸侯之割據。及戰國之紛爭。皇皇之人。猶且載質而出。疆區區之主。亦與分庭而抗禮。蓋上有好善。志勢之誠意。雖堯庫俘囚之類。皆取而不疑。下無發策決科之空文。雖揮闔揣摩之言。尚近於可用。斯宗廟賓客。所以各得其治。而草創潤色。所以不乏乎才。特無扶世導民之大經。故有富國強兵之明驗。去周浸遠。由漢以還。德行道藝之書。略而不講。經術詞章之尚。更以相攻。或追雅頌之汪洋。或追聖神之恍惚。既踐詳延之地。均為進取之資。孰不可以得人。終亦見之行事。在當時之寵辱。寔終已之枯榮。况設科至多。而進士最為高選。矧用人不一。而名公志出此塗。惟得賢則可立太平。惟顯俊則可尊上帝。大欲成廟堂之勲業。小欲著臺閣之規模。自非天下之英才。曷副朝廷之本意。如其者。學不足以造道。器不足以適時。一鄉偶擅於儒家。諸祖盡登於文舉。遂服過庭之訓。姑為扶策之遊。然而親侍無兼。既不能負笈襄糧。以從師友。性資至介。又不能接席

永樂大典

卷一四一三二

群居以處校序。環堵以處坐井何見。謂當自勉。乃博觀聖賢傳記之書。耻不自能。乃兼為表。理聲律之習。少也。偶爾長而適然。千名之來。試業再更。志學之後。薦書四上。願久嗟於不售。詎敢意於有成。志目中肩竟悼初心之負。循項至踵。尚榮今日之逢。共惟嗣聖仁明。輔臣忠厚。德隆上古。如成王文帝之時。道叶大中。兼嘉祐熙寧之政。實千載難逢之代。乃群英並進之秋。夫何鯨生。亦值亨會。此蓋伏遇某官。誠存博愛。度極兼容。得循循誘人之方。有善善樂終之意。不與其退。固多場屋之光。先為之容。更及門牆之舊。遂令孱陋。輒預揀拔。惟古人之懷。所知寧有時已。雖君子不責其輕。將如義何。還量匪堪。祇可自愛。無忘所學。宜惟遵官府之簡書。不辱其門。安敢愧士林之風義。歐陽守道。巽齋集登第謝啟。奏對疎庸。宜從顯黜。上恩寬大。猶置末科。靖循叨忝之由。端出薦揚之賜。戴君之次。感德亦深。切惟朝家取人以文。姑曰因其表而信其裏。書生由學入仕。亦將隨所寓而究所施。如視此以為平生之榮。則幾何不負進士之目。試以策名之後。追念為士之時。文史寄娛。莊生所謂南面之王。不與易。藜藿取給。蓋子嘗曰萬鍾於我。又何加。惟戴履天地之間。有古今君臣之義。安能高筮連舉。不在人間。然而切學壯行。無非天理。故近世儒宗。初不廢舉業。謂名卿良

永樂大典卷一四一三二

十一

相。何嘗由異途。出處非我所行。止則時之可免。敢逃此生於無用。是謂盡其命之當然。此義不明。而祿是嗜。其於志得誠可憫傷。夢寐不清。長被榮枯之作祟。詩書何用。祇為投合之良媒。初志既畢。後來可想。夫所樂非所性也。雖大功大烈。猶不得已之為。况能貴即能賤之。若一階一級。又何足道之有。嘗以為稷契伊周之業。本是第二義。而又惜孔孟顏曾之學。不盡見諸行。蓋向上更不容言。而成物亦我所願。此大易屯蒙以下之事。而中庸內外時措之宜。流而山止而川。初無定質。油然雲沛。然兩。何病太虛。皆不為則誰為之。謂之進則斯進矣。顧如庸陋。無所親覩。天奮其才。不足奮發於趨事赴功之烈。性局於隘。何以周旋於奉命承令之間。但可為宇宙中一幸生之人。而自謂國家事。何至屬於我。有如去年實興之詔。備寫當宁才難之憂。非真能實藝。無以副時需。豈末學小生。所敢望鄉賦。猶以世為士類。時在壯年。依稀赴舉之行。得之幸也。漫浪如京之役。出於偶然。旋叨奏籍之名。例拜出身之賜。惕然深省。報若為圖。此去公家。即是委質為臣之始。從來一命。可辨濟人利物之心。須勉已之不能。以敬天之所付。運之入選。假我閑居。親養得安。未奪班衣之樂。更事可學。儻無美錦之傷。惟習中抱負之奇。覺意外遭逢之易。追惟獎借。尤有依歸。茲益恭遇某官。

間氣得天威名蓋世。凜凜著立朝之節。溫溫散閭郡之招。粹乎端人正士之容。修己以敬。純以君子長者之道。近仁而忠。更使廬陵大明洛學。心傳古聖。又逢今日之周程。人得宗師。行見將來之揚謝。相期此邦之意。不淺其為。後學之幸何多。某親炙非疎。受知已素。歌鹿鳴而勒駕。榮幸列於門生。侍燕坐以論文。分乃忘於民伍。於此認成就誘掖之美。非徒事貢舉故常之規。敢不永堅一心。益勵素志。雖甚不敏。已粗知理欲界限之分。惟謹自持。庶不在名教罪人之列。播芳大全集馮京謝狀元及第啓。雲龍之度。方第英選。實衡之古。輒與魁倫。捷失其安。撫然自恃。恭以國家軍洪宅之德。立太平之基。朝庭阜養。岳牧呂召。文章臺閣。高蹈商周之淳。禮樂膠庠。遠駕漢唐之右。何治臻此。賢賢効歟。豈不由數路而求。上聞無壅。雖然。茲一介之拔。官使適當。其取士也周。其得人也盛。然猶虛懷未沃。側席尚勞。羊膺草萊。弓旌巖穴。無郡不趨。駕無鄉不獻書。雜還充庭。覽輝而下。光華連旦。聳壑自期。尚非學四部書。才萬人敵。無蹉跎之近韻。有濟寧之深圖。則何以副上疇咨。為人舉首。如某者。生江湖卑薄之地。遠京師英雄之躔。徒憑藉於家傳。復浸淫於儒治。然而辭氣醜醜。不合古人。經術䟽通。難應常敵。每惟奉檄之過喜。又讀考槃之卒章。以養干榮。俯身圖進。詔方驟

承樂奏卷高聖書主

選。郡以計借射澤舉。旌已無心於唱獲。尚方奏牘。敢先意以觀書。雖玷名聞。卒虞報罷。豈謂日月居上。不弃幽而照臨。權衡在前。不擇物之輕重。未何管見。偶中科程。曾是下中之材。敢當第一之選。焉能致此。信有由然。此蓋伏遇某官。宗師上。器育名士。大鈞缺。難逃真宰之私。端木輪。困本自先容之賜。致茲淺陋。及此旌揚。謹當激昂自持。磨勵無玷。今而試治。眷及清白之風。必也造庭。免蹈阿諛之節。毋愆雅志。以答隆恩。劉輝謝狀元及第啓。楓宸序進。芳拜於天威。臚唱下傳。速登於選殿。名隸恩書之表。躬華服。賜之榮。寵渥甚優。省循增愧。竊以聖人分職。貴乎量材。君子入官。中乎博選。材拔乎類。然後不次而舉。學足乎己。然後有為於時。是以任人無廢功。在朝無倖位。茲君臣之大節。寔古今之常行。我國家急於求賢。委之為治。詠菁莪而長育。法卷阿而詳延。闡舜四門。開漢數路。巖壑谷隱。處我毅中。相器將材。由此塗出。群職盡翹翹之楚。百年陶濟濟之寧。業由委質。而尚訪逸民。畢變盈庭。而猶思多士。故於閭處。設此高科。飽六經者。欲挽其滯淹。抱碩畫者。欲達於甄擢。一封渙汗。四海嚮風。于于而振衣冠。斯斯而見頭角。與卿書者。損之過半。試解省者。收之幾稀。披荆取蘭。剖石求璞。意欲精擇。勢當五難。在於明庭。尤責茂實。限聖刻而奏藝。延旬浹而

考文。庇摘或形。雲洋相邀。覆較哀然之選。欲收卓爾之賢。惟大蓄其德者。居之則宜。非深造乎道者得之為謬。上以副虛宸襟而顯俊下。以見陟身。衡而正君。苟屬匪人。曷壓群議。如某者。朴野庸質。避癖寒門。學無淵源。幼則孤苦。親亡而兄弟喪。質竭而賓舊疎。陋室畫局。無筆數而自樂。隻形。影任萍梗。以何之。紫空索而起江湖。肩紅塵而客京國。樓遲大學。艱語百端。漸漬訓言。粗究經綸之略。覲覲斗祿。勉加篆刻之功。不自愧羞。時以進取。兩冠士籍。固非和氏之珍。一出春闈。有類齊門之瑟。默量空瓊。欲退歲。幸逢盛辰。耻為弃物。遞承明詔。再奮儒心。復濫齒於薦書。又例偕於奏籍。蒙呈文於左城。尤縮手於淵題。牽傳僅成。散散殊甚。揣蹇難之常分。在寤寐而希皇。深憂闕市之民。賈而不售。豈意危巢之鷄。鳴。驚。人。劫敵在前。戰非心勝。素修亡狀。舉出不虞。朝乃窮民。暮躋巍級。顏惟最爾。豈有致然。茲蓋伏遇某官。潤色帝猷。挺陶士類。權衡待物。日月照幽。擴摠米菲之仁。始終推較之賜。致茲枯朽。亦遂滋榮。謹當充實四端。砥礪一節。少成事業。上答恩休。過此以還。未知所措。張全真謝第三名及弟啓。自惟陋質。偶中巍科。願此遭逢。出於幸會。竊以六藝之學。自昔以傳道。三代之上。無意於為文。道既失而章句始興。文寔隆而義理愈晦。上則設為科目。以

取天下之士。士則競持技業。以應縣官之須。隨時抑揚。與世馳逐。苟以譁衆取寵。不知其非。爭為巧說。硬解。用以自售。明經者但懷青紫之意。稽古者過貪車服之榮。以彼其人。初若可用。既施於事。頗或不然。蓋夫實不至而唯名之求。利既勝而於道為病。今天子勵精求治。崇化尚賢。務惟政要之謀。閱茲氣俗之陋。俾造大朝。承聖問。勿事虛文。方下明詔。發德音。詎應故事。所宜各露肝膽。著在簡編。科別其條。盡言無諱。上副諮詢之意。敢懷利祿之圖。而某性本蠢愚。身更貧困。竊習易象之奧。粗識聖經之微。謂開物成務。盡備於此書。而極深研幾。斯可以御世。蓋嘗探賾索隱。俯察仰觀。內揆一身。外稽萬事。通知文武之道。未墜而猶存。不歸堯舜之君。持是而安往。幸因東越。獲事聖明。自信于裏。敢肆其說。內既深慙於猥并。衆猶或病其間。疎竊憂推圭之文。有不應於甲令。又懼公孫之弟。且見貶於太常。豈期偶當上心。遽蒙親擢。殘之數百輩之上。獨在二三人之中。重以不才。夫何所取。得之非意。可謂至榮。此蓋伏遇某官。親秉國鈞。上毗王政。居然化育。遂茲品物之宜。凡所稱量。妙盡權衡之信。故令公歷。顯與甄收。某謹當自省初心。無忘故學。歲幾四十。雖未登無大過之年。德望二三。亦庶幾不遠復之吉。或晚成於器業。庶仰答於恩私。謝及弟啓。猥以瑣材。盡

登黃甲。自惟何者。曷克居茲。竊以道德之科。固有等第。文藝之事。至為淺微。雖在古則聖人之所弗先。而於今則儒者以此自見。國家稽倣前制。課試諸生。苟無能稱。類皆罷黜。凡其尤異。頗不棄捐。惟去留盡出於至公。而上下莫容於私意。故失之者不敢有怨。而得之者無所歸思。此本朝立法之良。於進士得人為盛。如某者。素不事學。何所取材。經國弗明。道未有見。至於自苦志力。而莫致稽古之效。粗修章句。而一無應敵之能。所以十年之間。屢試不勝。幸其氣之尚盛。不至三竭。而再衰。願於文則已畢。僅出二中。而四下。伏况年齡已壯。時命未遭。閱歲月以如流。恐功名之立。抱其窮拙。將老丘園。適有黃緣。獲見天日。方主上內懼有闕。退託不能。親屈帝尊。下詢治道。眾所條對。皆可施行。而某以樸野固陋之人。奉盛大高明之問。休揚危厲。不知所言。故周遷延。幾至失次。本已無心於上第。何慚尚列於丙科。視彼在前。邈焉弗及。使他人處此。或悔其太謬。不然。而以某居之。則固亦甚喜過望。此蓋伏遇某官。上持王化。樂育人材。行以至誠。非但崇於空語。稽諸故事。固不止於具文。方將獵天下之英。擊園中之秀。皆歸錄用。惟所指呼。致此凡庸。亦蒙甄取。唯兼收並蓄。願推君子之廣心。而報德酬言。敢負小人之素志。謝及第啓。受陸人猥以不才。獲與諸生之列。自

未幾棄高第

古

惟何幸。輒叨六藝之科。匪實其能。於茲有媿。竊以進士之選。為法最詳。得人之多。莫此為盛。初以待未命之士。而不及已仕之人。願於收材。或有未盡。又為之制。以廣其求。雖既興於官聯。苟未登於名第。許從常布之列。同奏輸墨之功。所以執經相高。習業益眾。如某幸蒙世賞。不廢父書。粗知師友之淵源。未究天人之分際。唯恐典刑之未。弗克繼於老成。故於禮樂之間。每務從於先進。然而嘗待所學。見黜有司。姑忍一慚。敢懷二事。至於屢辱。不以為尤。况太平世之尚文。時乃異人之間出。風聲所暨。俗化一新。其有所長。孰不願試。則亦安能碌碌於俗吏。至於沒沒以終身。竊伏惟思。用自砥礪。寧知將老。僅克有成。茲蓋伏遇某官。道大經邦。德隆輔世。薰陶品類。蓋然元氣之中。教育人才。漫如時雨之化。致此庸陋。能與選收。昔德裕不喜決科。茲實太高之論。而王吉欲除任子。病夫不學之流。某志在適中。善惟從眾。不敢為唐賢之異。而或免漢人之非。將益行其所知。庶以報於有德。秦喜謝及第啓。春闈較藝。已誤甄收。天降賜科。更叨親擢。名浮於實。愧甚於榮。竊惟載籍之傳。深著坦明之制。上之取材也。必求實用。士之為學者。不俟空言。雖居環堵之中。已懋佐時之略。躬耕莘野。期斯道以覺民。爰起傳巖。遂交修而迪后。蓋蓄積之有素。豈僥倖於偶然。千載之逢。

永樂大典

卷一四一三二

一見而決為選舉之本意。將網羅於若人。暨乎中世之陵表。匪復前蹤之
髣髴。學祇謀於利祿。志靡在於經綸。棄舊俗者下喬而出幽。求達者變
情而狗勢。高族王道。謂周召而延留。夷考事功。終管晏之弗反。顧規模之
陋矣。嗟人物之眇然。肆吾皇之紹開。屬昌期之興起。表章聖教。發明六藝
之輝。潤色先猷。度越百王之上。方巍巍而措治。茲汎汎於得人。遵三歲之
規。驟發由中之紹。借四方之計。朋來後萃之才。遠宗伯之貢名。御廣朝而
臨試。威顏咫尺。清問丁寧。格上帝而紹祖宗。行孝治而安社稷。慮萬微之
有關。合群言而博詢。畢竭臣愚。求稱上旨。是必議論誠當世之務。文章述
作者之風。講天人之際。如仲舒。明治亂之原。如賈誼。仰膺帝舉。庶協衆心。
如某者。性質甚卑。淵源猶淺。佩父師之教詔。樂朋友之漸摩。第求家學之
傳。寧計世資之取。謂一行作吏。必將奔走於簿書。而萬卷有神。曷若周旋
於簡冊。莫窺閭奧。徒積歲陰。愆素志之未克。懼修名之立。寔慚韓愈。自
謂無學。而能致効文鏡。耻就有司。而試舉英豪之逸駕。之翰墨之新功。縱
更欲前。回皇失決。幸諸公之過聽。與多士以同升。釋穉離疏。俾脫泥塗之
辱。馭風騎氣。獲從汗漫之遊。內省愚庸。獨憂忝冒。茲蓋伏遇某官。善推引
類。仁欲達人。默付無心。可謂至公之選。一經精鑿。孰懷偶失之憂。士喜遇

永樂大典卷一四一三二

五

於知音。弊悉更於往轍。致茲薄技。亦玷殊科。恭敢不克己好修。服膺知勉。
任非為禱。雖自肯於夙心。才不逮人。恐漸忘於故步。誓並勤於大業。期少
答於深知。遇此以選。未知所措。陳誠之謝。及第塔。楓宸射策。仰酬樂
只之誠。董陸第同。叨中褒然之選。祇膺洪太深切。兢慚。竊以聖世搜賢。非
止奉行於故事。儒冠秦藝。豈徒崇尚於虛名。欲其明於道。而達於時。是以
考其言。而求其効。自成周取士之法。壞。至西漢取人之路。多。漢更魏晉之
空疎。荐歷隨唐之綺靡。士風洗薄。而操守無法。道術缺裂。而議論不公。又
况經術之弊。至於乖異。而尚專門。辭章之卷。至於雕篆。而暗大體。雖人材
之盛。號出於流輩。而科目所得。何補於國家。追還上代之純風。允屬中興
之華旦。皇家投戈講藝。歸焉脩文。詳延四海之時髦。荐講三千之里選。講
玉體而持國論。雖式資鈞軸之臣。下明詔而發德音。猶博訪草萊之士。乘
謙冲而在御。發清問以臨庭。俯收藥石之言。盡捐擊院之說。母甚高論。撰
文所以命張釋之。莫取虛名。虛敷所以告魏文帝。茲實大公至正之選。宜
得絕類離倫之人。自非洞識時宜。詳達國體。如仲舒。好古。平昔所蘊者。盡
發於三篇。如姚崇。自知。始終所行者。不外於十事。則何以上副宸旨。下當
衆心。如某者。本匪過合。行惟脩己。執躅聖賢之訓。其表詩禮之家。少成恭

曾省之三壯識愧淵知之十歲陞黃館分經舊占於無雙李試擲蘭較賦復居於第一然而發辭未廣困蹟尤多意增益不能而先拂其所為故厄勉不及而猶恐其或失幸隨風詔忝預鸞書勉陪濟濟之俊躋俄掃堂堂之中陣十陪增價喜逢伯樂之知一鳴驚人頓聳齊庭之聽退惟虛負實有貢緣茲蓋伏遇某官問世碩儒斯民先覺當吾道不傳之任振斯文久陞之餘謂學者狃於見聞競肆異同之論以公道正其取與用敦教化之原既嚴選以待真才又兼收而無弃善遂令孱瑣亦預品題某敢不益勵操修殫全業履動警維鵜之誦勉全製錦之能滲澆息生上蒼飛龍之造併蒙庇厚永懷棲燕之安至此以還未知所措謝及第啓獻策楓宸敢意四夔之列第名桂籍俄參六驥之聯踰於已多視榮惟愧於皇烈考聲新宏規即義理之在人心明道德以訓天下士純習尚斐夷雕篆之浮華經有師承別抉章句之固陋越離明之繼照佑人文以化成稽神措於熙豐昭前功於崇觀鄙都首善濬學海之淵源泮水承流廣化風之鼓舞革歷世相因之科舉還百王已隆之賓興與周並休自我作古睿謀蚤定浮議莫搖大典肆頒輿情更慶絃歌相屬瘡老扶杖以傾聞冠帶環居遠夷解髮而向化一同中外咸仰聲明雖然叟笑不談王而懦夫皆有立志

永樂大典書里百五

十六

中材知進於君子之域曲士還比於大方之家術業增崇英豪間出矧及三年之比杳來萬國之儒扶搖搏北海之鵬羽翼振西離之鷲巨魚縱壑快若爭先倉庚鳴春惡能自己宜得方聞之彥允膺簡拔之光如某者誠愧疏通器非凝遠才能至下初乏豫章之知椰里常聞未探會稽之允零丁末族孤苦餘生早貽手澤之悲中困鴛原之感雖水霜之志操有在而土木之形骸僅存妄觀亨衢慕從方餌椰書四上屢叨前列之禮禮部數奇更類退飛之鷁誰念黃金之虛擲謾嗟明月之暗投進退茫然遲回久矣思清時之自弃幸新學之具修泮渙芹菜之游詎勉燈窓之樂方首登於貢板復濫中於春闈宜聽鼠之技易窮而鉛乃之割難再豈容僥倖每玷甄收至於披典譔渾灑之文拜禮樂制作之間形庭覲密仰堯天之俯臨寸啓迅馳覺雄思之益苦敦繹罔究揚推未工即今攷古而事頗闕疎以言足志而文幾骯髒輒上塵於睿覽俾崇與於甲科忝冒若斯實緣有自茲蓋伏遇判部侍郎佐王遠業命世宏材德厚而純氣剛以大撫循京兆人有去思協贊秋官世稱平允上眷忠嘉之節士依衡鑑之公是俾寸長得借殊選某敢不益修名檢祗服官箴勉所未能期於有至蹈履率循於美命施為庶見於事功上酬覆燾之恩次答吹噓之力過此以往未知

所裁。晁之道謝及第啓。大廷獻策。嘗妄奏於朴忠。哲鑒辨才。亦與榮於群俊。豈愚者必有一得。蓋明主可為至言。幸非所宜。榮以為懼。切惟國家柄大。公而取士。開數路以官人。謂解藻所以程才。故精以淵雲之賦。謂經術所以造士。故首以周孔之文。試益謹於端門。策加詳於祕殿。人思在列。學愈專精。問里之間。笑不談於仁義。公卿之胃。耻獨美於膏粱。雖幸承家。無忘獻藝。競駕青箱之學。爭先黃絹之辭。豈以捷徑而並趨。蓋耻前人之不逮。上方勸學。士已成風。一出此途。多至名士。欲副甚盛之選。宜得非常之才。如某者。學不適時。器非涉道。一官聊爾。似是馬曹。淺尚逸然。不堪吏職。學孟軻之求己。甘鄧禹之笑人。雖獨好於簡編。本不長於科舉。勇慙州綽。詎合先鳴。學謝公孫。果羞復上。徒以過時千載。食德百年。四世繼直於書林。五葉踵登於解綬。殆無虛勝。並繼芳塵。後生或以為難能。前輩亦許其盛事。願雖極陋。亦耻無功。幸三駕之有成。甘十年之不調。窮雖借一。氣尚當千。唯人才本出於下中。故名字難居於甲乙。國王得假。雖匪初心。轉衣為裳。未為失計。屬時家甫入。與考官。當漢殿以臚傳。越周行而告謝。縉紳贊喜。父子知榮。雖中鵠之未工。庶績紹之已幸。退循忝冒。實有黃緣。此蓋伏遇某官。威德熙朝。高風蓋世。文章議論。後進宗師。道德淵源。九牧

稱歎。謂育才所以為報。故使人樂其有成。憐此孱庸。假之歲月。俾不迷於簿領。庶或就於聲名。凡茲尺寸之功。盡出併蒙之賜。某敢不益堅短志。期稱厚恩。塵即望於增輝。方願殫於犬馬。阮瞻三語。自非非才。駿茂一言。竊嘗有志。過此以往。未知所裁。蔣希謝及第啓。紫宸射策。上塵乙夜之觀。黃甲陞華。中介三人之列。方流筆犖。瞻於舉首。而姓名忽次於臚傳。人為之驚。已得不愧。伏以國家接千歲之統。文章同三代之風。凡公卿士夫之多。皆庠序科舉中出。經綸事業。在當時固已發揮。耆舊老成。至斯世賴其康濟。得人之盛。振古所無。洪惟上聖之興。允繼右文之治。自頃夕烽之未息。猶講藝於投戈。迄今外戶之不扃。益崇儒而重道。禮闈大闢。士論交欣。紛然躡躡。以擔簦。舉頌策名而委質。其進也爭於售玉。而選焉吝於汰金。附鳳翼而攀龍鱗。孰無是志。拔犀角而推象齒。競欲相先。然微如燭火者。或驚見日月之光。且來從下園者。或未知朝廷之體。則取青紫未易於拾地芥。而枚科第安能如摘領髭。矧惟龍腹之榮。宜得鼈頭之俊。豈伊蒙隨。獲與選掄。如某者。賦性迂疎。受才謏薄。幼荷鯉庭之訓。粗工蠶象之能。三紙無驢。自知寡要。一班窺豹。難語通方。猥以世恩。許聯士籍。兩玷外臺之薦。薦。每至南宮而鷓飛。泛萬選萬中之才。懷再進再屈之耻。技止此耳。

望興絕於清流。行或使之。前遂忘於大敵。蹉因獸之猶聞。俄死灰之復燃。然孟明三舉以焚舟。僅成霸業。卞和兩獻而別足。幸遇良工。勉造明庭。欽奉大對。趨玉陛方寸之地。瞻天顏咫尺之感。恭傳上問之淵源。灼見中興之樞要。輒引經摺。仰冒宸聰。惟易一書。歷世三古。識非輔嗣。誰知初上終始之文。才謝退之。烏睹潔淨精微之義。迨巡短晷。細繹成文。何草茅之微言。誤冕旒之親覽。惟懼汗顏而血指。敢言志目而中眉。初無黃絹之辭。復得青蓮之舊。收故物於三十年之後。竊異等於幾千人之中。百數何補於時。曾參宜次於蕭相。衆者皆出其下。吳起敢先於田文。冒寵已多。歸恩有自。茲蓋伏遇某官。稟天間氣。為世大賢。蓄文武之全才。蘊經綸之妙略。忠嘉許國。已深當宁之知。典策酬庸。佇慰具瞻之望。梯航吾道。羽翼斯文。包荒得尚于中行。采封無以其下體。致茲庸賤。亦預甄陞。斷木何知。誤被青黃之飾。鑣錙自躍。實繫陶冶之功。某敢不益勵操修。恪遵檢押。鵬搏鯨化。尚庶幾九萬之程。狗盜鷄鳴。期不愧三千之客。過此以往。未知所裁。石敬若謝及第啟。揚眉吐氣。誓摩鵬翼之高程。血指汗顏。亦作龍門之下客。戰之罪也。天實為之。竊以詩書無基於功名。文藝久早於器識。嵇康未嘗挾策。蒙傅橫行於萬人。相如不善決科。風采傑觀於一座。歷觀慷慨可

永樂卷之五十五

九

善之士。類皆灑落不羈之才。橫閭靈府之宮廷。剝削腐儒之章句。敗編缺簡。耻為紙上之塵言。名山大川。攬作胸中之秀氣。平吞雲夢而縱闊步。長揖乾坤以無四友。蓋抱其所得者。曷世驚人。故施於有政者。凌霄筆壑。後世已矣。流風奈何。本真爛熳於英華。名節飄浮於奔競。偉服繁繁。動數百群。枯腸寥寥。况無千卷。安得巨力。障其頽波。幸逢君子之持盈。恭仰大人之繼照。龍恩厚澤。蒸寰宇以交流。渙號溫辭。雜歌聲而四起。祖慶層寬。平之治。重元豐教育之光。聖經無復面牆。董子皆能執筆。撤揚小伎。叱迅雷濃霧之運。敵豁大迷。觀白日青天之快。某也觀此。居嘗慨然。如切如磋。而師友起予。必躬必親。而父兄誨我。奮發綿力。激昂壯心。知短晷之易流。惜清時之難得。十年蒲葉。莫窺鳳虎之文章。幾度桃花。未聳蛟龍之頭角。思慰重親之願望。輒干三歲之賓興。獲見收於卿大夫。遂入貢於春宗伯。况皇都搜拔之際。皆傑士奔騰而來。投五十筮之餌。以釣震海之魚。開七百里之羅。以啖截雲之翼。文決猛獸。詞森健鋒。鳴漏一殘。綠袍爛攤。則有雄鷲。孟東野。汪洋韓退之。變化轟雷霆。光彩赫天地。掉臂旁若。我冠自如。飛墨客之微聲。鼓丈夫之氣焰。儒林根幹。直欺山木之百圍。筆陣波瀾。倒瀉銀河之千尺。自笑淺識。輕追俊遊。傾義匿懼。以迫逐鈍辭。零雨其濛。以摧

永樂大典

卷一四一三二

驚儒膽。驚聲起而百管動。飭氣衝而群怒張。焦唇燥吻者常然。詆筆含毫者屢矣。執早凡自得之貌。而水炭於時筆。錦恠險不婿之語。而錙銖於有司。置在末科。預知如此。此蓋伏遇某官。恢廓全度。掩包不能。凡為總角之兒童。亦識先生之姓字。謫仙之高吟。醉掃千首。焦遂之雄辯。卓犖四筵。傲觀軒冕之儻來。惠賦田園之歸去。雲泉漱玉。激幽人豹隱之清。腰帶垂金。佩天子龍飛之渥。挈提後進。分貸餘光。私憐謏薄之材。未勉柳榆之笑。雖充唐轂。尚辱廣門。某敢不懷怯敵之餘羞。勉力行之後學。妄貪寸祿。遂紆俗吏之青衫。誰識此心。長在古人之黃卷。熊子復謝及第啓。獻賢能之書。屢借於秋計。陳治安之策。獲第於春廷。年浸老而可羞。名浪得而為懼。竊以設科不求實行。世莫復於商周。對策徒尚空言。人孰追於晁董。非洞開家廊之見。哥振起拘攣之文。自熙寧天子之下詢。方講明庶事之關。而眉陽蘇公之上疏。已譏斥諸生之諛。厥後在元祐者。專詆變更。居紹聖者。咸陳雄述。惟上人先定於國是。則多士不至於學非。當聖君御極之初。固樂取蕝莠之議。獨大臣秉鈞之久。每諱聞骨鯁之辭。比親攬於權綱。廣痛默於附會。降十行之訓札。既節於有司。宜一介之謹言。豈虞於不第。如某者。才底滯而無韻。學荒淺而不根。應舉覓官。未免彫蟲而篆刻。實文為

永樂大典卷一四一三二

九

活又幾毀走而畫墁。數報罷於太常。每見憐於先達。今者方鎖闥之拆號。諸公猶恐其或遺。及淡墨之標名。舉子共憐其纒遇。未有作者之毫髮。空涸時人之齒牙。既而旅見法宮。筆試文階。謂聖明出治。固魏乎其有成功。則踈賤進言。宜卑之無甚高論。寧姑為斗升之計。不敢犯咫尺之威。聊脫落於白下。俄注擬於黃甲。蓋伏遇參政。妙宗道壺。雄帥文壇。學者仰如泰山。言皆折衷。蒼生望為霖雨。時即登廣。行大道以示公。得英才而為樂。遂使溝中之斷。乃為席上之珍。某敢不極師友之淵源。振文章之光範。直言極諫。雖莫結於世科。博學宏辭。尚勉追於時策。亦可弗畔。不知所裁。史天秩謝及第啓。程文祕禁。上塵乙夜之觀。唱第明庭。幸遇丙科之選。寵光被體。愧汗溢顏。竊以士欲得志。而澤民。儒以席珍。而待聘。所學者立已立人之事。所明者治家治國之經。晨炊不繼。而有體足一切之心。短褐不完。而有衣被萬物之願。立廣居而恭定。養大體以曲全。浩氣塞乎兩間。注量溼乎萬頃。義之所在。一介不以取人。富若僮來。萬鍾何如於我。以禮動以義止。不榮通不愧窮。守一性之宮庭。斥小夫之禽犢。筆瓢如在。即安顏卷之資。版築可捐。出應傳巖之夢。此為士者所以行已。而有國者於此。欽才。翩然遺谷之鶯。振若充庭之鷺。謀王體而斷國論。予以吐胃中之奇。登

金門而上玉堂。故能任天下之重。歷古有作。用儒為先。洪惟治朝。崇尚儒道。備成禮樂。煥有文章。主上以經術造士。而人不讀非聖之書。左右以儒雅飾吏。而世皆知王佐之學。治具修舉。人材作興。處賢闕者不厭。蓋遊鄉校者。競紆衿佩。山東山西。有將相之器。水南水北。無釣耕之徒。科詔一頒。鄉書四集。父子懷款。向之學。兄弟撞機。雲之名。揮袂如雲。退毫似堦。為飛魚躍。悉歸鼓舞之神。車鹿馬閑。盡入鞭馳之手。試業以三年之遠。攷言於一日之長。宜得絕倫博習之才。以應側席詳延之意。如某者。武皇遺種。西蜀蠅生。聞詩饋鯉之庭。受教啖猪之手。襲青槐之舊物。對黃卷之聖人。不辭一字之師。謾習三冬之學。兩登鄉舉。旋試省闈。驅馳危棧之中。踐履畏塗之上。往復萬里。猶嘗膽之苦。跂仰一第。若登天之難。抱負塵編。棲遲故園。夜堂松月。有客子之悲吟。春草池塘。無王孫之好夢。再拜神而乞巧。三揖鬼以送窮。釣魚無得。而信守不移。畫虎未成。而柳偷者眾。間遇改元之赦。中宣免舉之文。傷弓之羽。已怯於虛弦。獻璞之趾。又愁於再削。踟蹰中路。荏苒六期。更開四壁之琴書。屢變一窻之螢雪。秋侵潘鬢。臨鑑生悲。愁入庾懷。向風流恨。賞音難卜。頽影自憐。固嘗欲問舍求田。又不忍裂冠毀冕。感桑榆之晚景。想場屋之舊游。既叨再叙之恩。願吐自鳴之氣。省額

木葉集卷高聖百五十一

干

六百餘冠萬千。偶於沙汰之中。亦在招延之內。南宮奏籍。北闕宣題。策以道化而求設施之宜。質之象數而驗通貫之學。仰聖詢之微妙。願素業之空疎。思苦言艱。賦於闕筆。東漁西獵。僅獲終篇。方懷報罷之虞。遽拜言揚之命。天威鑠目。臚唱駭魂。黃甲勅符。名藉恩綸之重。綠袍手版。身紆賜服之榮。脫白屋之塵埃。向青雲之岐路。靜言忝冒。實有黃綬。此蓋伏遇某官。絳帳大儒。青城名俊。譽高日下。望重斗南。歷試賢闈。掃千人之筆陣。竭來秘府。紆萬丈之文虹。旋探石室之書。行赴金鑿之右。溫顏如玉。咳唾成珠。羽冀斯文。鑪錘後進。殘薪振響。最為堂上之音。敗鼓產黃。苦作籠中之物。致使書癡之迹。獲逢英毅之收。某敢不歸厲常規。勉行所學。靖恭爾位。不違君子之威儀。歸潔其身。更尚古人之名節。庶全微志。上答洪私。陸務觀謝賜及第啓。明庭賜對。晨趨甲帳之嚴。親扎疏恩。暮拜兩科之寵。感深涓涕。愧極汗顏。伏以。明廷取士之方。固非一路。學者致身之始。又惡多岐。願列聖豈私於俊造之科。而群賢罕出於選舉之外。至膺特詔。尤號異人。願詩足以被絃歌。則梅堯臣見於皇祐。文章足以垂竹帛。則王安國起於熙寧。或朋友借譽。而不以為私。或兄弟當塗。而莫之或議。願惟至當。故無可慚。如某者。醜醜而無奇。蓬疎而寡要。自悲薄命。久積名場。敢謂一朝。

遂叨賜第。門外之袍立鵠。悅記少時。詔中之字如鴉。猶疑夢事。此蓋伏遇某官。股肱王室。領袖儒林。以謂張一目之羅。始非得爵之道。至於售千金之骨。抑明市駿之心。寧惜妾庸。以風四方。弗欲拘學而廢一士。某敢不討尋舊學。企慕前修。儒者之弊。勞而無功。誓少輸於寶劄。聖君所行。即是故事。時將得於遺材。敢伸賀公道之開。輒仰叙私情之謝。張維之謝及第啓。昔薦鄉書。誤借一鷄。比遊英毅。復貫雙鵬。顧非黃絹之辭。曷副青錢之選。榮生。意表。愧溢。顏間。竊以振古以還。斯文幾喪。六經踐於傳注。大道碎於詞章。枚煨燼之餘。塵麗象刻之華藻。殘編魚蠹。小技鼠窮。公卿出於此塗。德業愧於當世。諸子往而不反。斯道潰而復興。洪惟皇宋之開基。繼有真人之累葉。化流華夏。教育膠庠。多士聿臻。異才間出。闢百家之糟粕。窮六藝之淵源。集鷲西巖。采芹泮水。巍巍唐虞之世。洋洋洙泗之風。率皆以一而當千。烏在拔十而得五。坐將舟中之敵國。就非堂上之奇兵。欲空冀北之群。必擅斗南之譽。如某者。箕裘末業。樗櫟散材。五歲屬文。肆小子之有造。七年取友。與先生之並行。鄴中無七子之聲。稷下靡千人之服。巨魚失水。幾同搖尾。而乞憐。飛鳥依人。屢欲干霄。而直上。世味漸猶於嚼蠟。時名徒體於畫墁。管仲之器小哉。汲黯之慙甚矣。帶牛佩犢。又躬南畝之

永樂大典卷萬里百五

五

耕。漱石枕流。已述北山之志。屬芝函之下布。廓視市以彌新。凡與成均。普同長育。青燈待旦。樂亦在中。黃卷窮年。老之將至。遞承詔綽。慙推蔭於鶴原。幾墜家聲。愧題名於鴈塔。獨嘆屠龍之無用。益羞畫虎之不成。久止齋庭。復整三年之羽。有同漢客。誤乘八月之槎。尚憐志目而中眉。尤笑得盧而勝雉。禹門三級。良已弃於前功。却桂一枝。猶獲收於後効。舉軍驚淮陰之將。解衣識畫史之真。冀飛翮長者之在前。若積薪後者之居上。靖思際會。實有黃綬。此蓋伏遇某官。荐更華近。夙著忠貞。參董群綱。總司百辟。方宸衷之簡在。期台席以褒升。慮及遐遺。力扶後進。務英雄而入教。思俊乂之在官。遂致寒蹤。首叨榮選。某敢不敦脩節槩。勉赴功名。期忠孝曲全於身。誓窮通不改其節。素練効質。白水盟心。庶為君子之儒。少答大人之賜。王民望回王先輩謝及第啓。伏承擢秀儒林。策名任版。素缺雅聞。倍及駭悼。惟是榜清之臣。尤高廉茂之選。人浸文治。術陶聖真。闢衢途以待奔逸之才。略華藻而收根本之學。與以奧問巨目。評以宗工碩生。充賦者數雖三千。中等者中纔一二。預於此者。不其榮哉。而况奮飛接羽於鶴原。煒燁聯芳於杖藜。固為朝野之異觀。坐挹淮湖之駿聲。仍沐冲懷。遠胎長蹟。其於景佩。曷既喻言。徐棟楚其及第謝丞相啓。南宮奏賦。已不逃揚

批之譏。北闕登名。復有甚積薪之規。退省僥踰之過。端由造化之虛枯。敬贊辦香。爰緘尺牘。伏念某。嬰姻百出。艱苦半生。勉焉加篤。學之功。求以爲進道之實。窮理致用。父師誨誘之諄諄。修身治心。晝夜持循之汲汲。非止爲利祿計。要不辜天地生。娛侍家庭。粗得事親之樂。群居里黨。嘗玷拔俗之稱。深惟苟脫文墨之中。則亦期爲事業之地。韓昌黎屢屈於唐。選無恙有司之不明。賈洛陽獨右於漢。虞猶病少年之太銳。方一札重賓與之申。傍俾四方來學術之遠。深欲其該此理之精微。足以定終身之根據。用是三獻而後售。幡然一鳴而皆驚。屬吾皇御宇之九年。侈盛世臨軒之再。蒙光明輝照之聖學。渾乎卓冠於五三。本原功用之常談。何以仰禪於萬一。蓋治法有不離於道法。惟誠心則能悟於上心。不揣瞽言。冒通宸聽。班先龍首。慙無晁董之志規。識冷龜山。敢繼汪劉之遐武。捫心知自。拊己莫堪。茲蓋恭遇某官。道貫乾坤。量包溟渤。踵伊周之盛軌。兼姚宋之全材。嘉定紹定之規模。拍業始終之如一。越國曾國之功烈。家聲先後之相輝。以一身過萬變之衝。任千古所獨難之事。引君當道。報國惟賢。自一秉於洪鈞。已九書於黃牒。凡中外材能之衆。知範圍埏治之歸。遂得微踪。猥叨撰渥。某敢不懋加激勵。國報選掄。語王曾之平生。初不萌溫飽之志。達于陽

永樂齋卷四十五

三

之長策。庶永懷遺過之榮。嚮德之私。有言則漢。陳者卿賈憲集登第。謝潛臺主司。較藝星臺。積玷白頭之蒐擇。某名所際。遂陪衆羽之奮飛。脫半生坎壈之蹙。繫一日扶持之力。欲謝已晚。拊心而驚。而有柳大夫選舉之方。而無邵使者賓興之法。末俗波蕩。多士雲奔。弃井邑而投異邦。匪惟夫已。託姻婭而綴他族。且復欺君。迺如門客之一塗。實應朝家之三尺。嫌疑所在。矚別首加。故所得者若不勝其榮。而徐思之。或反以爲累。如某者。秋風一介。夜雪百罹。窺牖外之乾坤。幾於入夢。走龍中之日月。更覺驚魂。雖強踏於槐花。每枉書於柿葉。故鄣逐北。腸已九回。上國團圓。脰仍三折。知窮通之有命。付得喪於無心。徒以青衫遠近之摩肩。濫師有若。皂蓋後先之接踵。謬舍羔公。投其老矣之身。奪我歸與之興。矧養志已乖於將母。雖得祿不足以及親。况抱遺編。永棲幽谷。屬聖主下搜揚之詔。而賢侯多迫道之言。強辱擊楫之盟。遠逐焚舟之戰。半塗而悔。幾欲吾返於鄉。狹路可傷。未免旁分於園棘。嗟窮鬼之爲祟。懼恠神之不靈。敢謂奎雷。忽紆若電。貶屈哲人之尺度。權與賤子之才名。染指南宮。結眉北闕。雖鈍遲寡。偶遠愆考叔之先登。然狂直見容。猶勝劉蕡之不第。致身及此。舉手爲譏。茲蓋伏遇某官。沂水正傳。閩山佳氣。思天家遊。九霄之鳳。橫翔。某動聖明。十

永樂大典

卷一四一三二

朋之龜前列方其米芹思樂之日。已有拔茅征吉之風。又柄連持。儒冠胥
慶間。拔蓋先於豪俊。激昂振及於疎庸。傳伏生之書。信是源流之不誤。對
丁寃之易。尚慙剖析之未真。積是叨逾。若何稱譽。某敢不磨礱晚節。扶拭
古心。一命浮榮。敢效兒童之驕溢。百年正學。願追師友之淵源。歸侍云深。
編摩抑末。陳了齋集與孫司諫及第啟。以被褐之賤。而親瞻天子之光。
忘負薪之愚。而輒陳當世之務。有得於此。已足為榮。矧非瑰傑之文。溢處
筆流之右。可謂之幸。宜其所宜。竊以道之廢興。常係乎時。士之進退。必安
乎命。故榮通醜窮者。雖非為己之學。而尊德樂道者。宜有經世之謀。惟授
心不介於行藏。則得志可期於事業。抱關擊柝。任或處此。以為貧。好未懷
金。勢可資之以行道。當授受之際。處之而不苟。則出處之節。炳焉而可觀。
進乎善教之已。哀惜也。流風之寢弊。上之用舍。趨乎滅裂。下之去就。昧於
適從。所得蔑然。其來久矣。豈昔人曠絕之難繼。蓋後世教養之無方。亦作
不明利害相劇。誰復古之廉者。上下同夫。非獨士有罪焉。問雖謀論之可
收。卒亦空言而無補。既乏賢能之助。固宜功烈之早。越垣索塗。嗟力行而
曷至。向墻入戶。欲深造以何由。天開顯顯之朝。神贊巍巍之主。卓爾獨運。
超然遠觀。按跡文武。而鋪張甚盛之基。玩心唐虞。而闡釋無前之業。昭明

永樂大典卷一四一三二

五

經術。啓進士心。繁維皎皎之駒。新煥芘芘之樞。異人並出。片善不遺。載惟
寒陋之資。獲際亨嘉之會。窮櫛藜藿。初甘原憲之貧。陋巷單瓢。更慕顏回
之樂。謂首善方先於上國。故執經來就于東膠。青衿累年。困養鹽之不足。
白雲千里。陟岵岵以長吟。文章既拙於趨時。進取敢希於得路。偶緣奏籍。
猥預試言。歷談上世之人材。博考先王之治效。顧千載寂寥之迹。不可勝
求。而一旦舍卒之言。安能具列。日較轉徙。心旌動搖。深思治亂之所關。大
懼事辭之弗稱。况乃權衡在上。不容銖兩之差。或何搏擿無堪。濫中輪棘
之用。授非所授。震不遑寧。此蓋伏遇某官。德威兼容。仁深樂育。風彩尚淹
於八郡。聲猷實埒乎四方。夙知直道以事君。每欲以人而報國。諸生之後。
曲膺倒屣之迎。廣坐之間。獨辱解顏而笑。撫懦心而有激。佩諄誨而不忘。
獻言略效其胷中。受賜實歸於門下。苟於利祿。固非平昔之本謀。慎乃獻
焉。知有公忠之可慕。清漳集黃預謝第一甲及第啟。論秀上庠。曾玷崇
寧之選。選。試言九際。復參大觀之群英。愧作者之七人。叨下士之一位。前
天有寵。囑地無容。竊以遠有序而黨有庠。必先立教。師以賢而儒以道。然
後得合。故學以明倫。則三代共之。而上之好賢。則四方至矣。綽彼聖人之
化。繁乎天下之才。松有託於景山。芭欲成於菑畝。思皇多士。宜王國之克

生無曠庶官。勅天工之是代。茲有室之大競。實無疆之惟休。共惟熙朝。為生睿主。率時昭考。若昔大猷。溫聖學之淵源。推道德之上筮。為眾父之各開。人天之天。俾學者以聖賢為師。故申之以孝悌之義。嗣興雍泮。親定詔條。攷行藝以興賢。順詩書而遣士。雲開師席。兩化儒林。金玉成進。琢之章。芹藻有薦。脩之美。百材皆就。菁菁之莪。在阿。八得來思。皎皎之駒。出谷。用三年而大比。屈萬乘以俯臨。王言親出於絲綸。天威靡遠於咫尺。文章丕煥。仰先舜之難名。禮樂大興。參唐虞之虛問。取人為善。以道觀言。宜得博物洽聞之人。允副至誠樂與之意。矧茲前列。豈及凡流。如某者。樗櫟散材。治表末習。適庭聞學。結髮事師。力徒勉乎已。十。智不聞於過百。向借郡計。來疎賢關。憂患百罹。侵尋一紀。再經論辯。與一時合選之榮。更備使令。錄兩學生徒之事。米菲本甘於下體。拔茅何幸於彙征。咸追而在王廡。再拜而上愚對。刺經甚淺。誦策非工。自慙鼯鼠五技之窮。乃追逸驥六飛之駭。而况伯考並進。李也先登。誤聯王氏之珠。妄擬薛家之鳳。任進並由於三舍。龍光寶萃於一門。猶恐美堪。歸思有自。此蓋伏遇某官。行持正直。政本中和。蔚為國器之良。曾式侯藩之寄。河波餘潤。溉千里之桑林。風力甚高。助九天之鵬翼。故雖愚者亦與榮焉。某敢不勵百拜以勉修。堅一心而自

永樂書卷萬四千五百三十一

高

信。學不可已。思勉小人之儒。求為可知。庶惟君子之命。尚國後効。仰答殊恩。答劉湖海曾從龍狀元謝少傅啓。堯問肆頌。光啓飛龍之盛。旦。漢科首選。偶占靈籤之上。頭。身蒙命服之榮。名符宸奎之賜。自天拜龍。何地酬恩。切以人才為國之重。經。文章與時而高下。書德行而致道。藝。本由三物之興。賢。尚經術而用詞章。繼以兩途而取士。皆所以規恢治道。潤色皇猷。洪惟聖朝。遠邁隆古。自烈祖量試以墨義。而諸公爭唱以古文。立萬世承平之基。流五代表微之氣。涵養於昭陵英廟之盛。成就於慶曆元祐之間。韓范之碩德。元勳皆由進士而選。歐蘇之高文。大業卓為學者所宗。歷觀近世以來。浸溺虛文之弊。士學每淪於偏見。儒徒滋習於多端。揚波助瀾。乏金石冰霜之操。連篇累牘。率風雲月露之形。嗣皇祇奉於燕謀。當守欲新於鴻業。凡四闕禮闈。以搜眾俊。至再洒宸翰。以詔主司。公乃文衡深戒。華靡固陋之習。冒吾名器。寧容浮誇輕躁之流。蓋將資時用以追古風。抑欲謀王體而斷國論。僅非傑特。曷副簡求。如某者。白朴無華。朱愚有素。衣冠冷落。謾言槐鼎之故家。燈火辛勤。恐墜箕裘之末業。年甫登於志學。時已與於計偕。既貽點額之羞。益堅嘗膽之志。守九人滿羸之訓。窮經屢閱於星霜。拊諸弟對床而言。抗志不渝於風雨。振苗助長。刻楮徒勞。屬當大

此之獻書。復以說才而充職。屬行相接。浪誇白璧之一雙。豈非子敢謂青錢之萬中。叨奉名於蘭省。幸賜對於楓宸。聖謨親策於六條。愚慮忠殫於一得。若緩而不切。則徒成於畫餅。或許以為真。則何益於批鱗。然重熙累洽之時。宰庸多事。在循名責實之世。安用高談。輒德素蘊之忠。申誦力行之語。宜意誤塵於乙覽。乃蒙推冠於甲科。臚唱既傳。儒衣罔措。屈第一人而下生。適遵故事之當然。偶由千載之相違。獲際聖賢而至此。茲蓋伏遇某官。擅璞玉南金之貴重。極泰山北斗之高明。補女媧之天。自忠獻有光於帝籍。取虞淵之日。至今公復紹於祖風。方且躬周公還贊之勤。懷鄭公推轂之意。曲如密啓。俾遂叨踰。某敢不增所未能。脩其可願。溫飽非平生志。敬承先正之言。忠孝堅一生心。敢效後圖之報。依歸至切。駢儷罔功。黃桂榜服謝福。帥陳丞相啓。黌堂肄業。素非龍首之高名。丹陛疏恩。偶亞鰲頭之妙選。寵踰其分。愧溢于懷。切觀國家策士之文。是迺先王奏言之意。布常就列。黼衣臨軒。上非藉此以為美談。下豈泛然而應故事。凡當世利害。近列講究之所未及。或庶政闕失。小臣畏避而不肯陳。欲究天下難達之情。當激書生敢言之氣。碩虛文之安用。惟實學之是求。儻非議論高遠。足以越常流。則必學問閎深。足以駭衆望。若茲選擢。始副詳延。如

永樂書卷高聖書

重

某之愚。於此何有。久披朝廷教育之澤。無補明時。剽聞師友道德之誨。粗知大畧。雖用心之不苟。然涉世以甚疎。行歲求合於前脩。毀譽一付於流俗。在平時本無佞仰之態。奏大對敢懷希合之心。誦言于庭。姑述所見。其大旨欲專帝王而賤功利。其要機欲重臺諫而正紀綱。論大宗之治。則明指其醇疵。語西漢之君。則無取於文武。蓋謂備全德者無適而有弊。正大體者何為而不成。凡紛然強兵富國之謀。非古者正本澄源之要。嘗聞大綱舉而衆目自正。未有維楫夫而中流可航。仁義與言。自許合孟軻之敬。天人大繫。終難免仲舒之迂。策平平以亡奇。言落落而難合。何叨塵於一覽。猶次處於甲科。緊惡言容可擇焉。在素望初不及此。靜惟僥冒。厥有實緣。茲蓋伏遇某官。學為帝者之師。才據王佐之畧。經綸有道。去就何心。東西欲其歸留。暫屈衮衣之在外。輕重繫於用舍。未容綠野之久遊。眷茲符之雄藩。屬隸粉榆之近壤。天下雖在隆於巖望。莆中實私托於鄰光。淵生明珠。豈有崖枯之理。河潤九里。寧無波及之餘。肆彼庸虛。猥蒙甄錄。某敢不益圖稱效。勉究遠猷。脩學問為從政之階。守命義為持身之戒。斐然小子。敢論衣鉢之傳。仰止高山。徒有丘陵之望。採花謝余察院啓。某名楓陸。偶霑新進士之榮。綴蹟挑蹊。曾是舊門生之數。得若驚而增愧。感且

幸以知歸。敬染赤箋。少伸卑悃。伏念某。奮身庠舍。充職戎行。每慨思弓治
之傳。未忍棄布韋之習。自聯右列。兩玷賓興。偶於預選於南宮。復覲光於
北闕。以再表三竭之氣。敢覲奇功。惟千慮一得之愚。獲殫忠蘊。贊論輒塵
於一覽。臚傳叨占於甲科。頌文武二途。而冒寵踰涯。矧兄弟一門。而同時
錫第。共瞻宸表。親承日月之明。重整恩袍。疊被乾坤之澤。退循僥幸。重有
寅緣。茲益恭遇某官。直節摩空。高名蓋世。摘姦指佞。以掃積弊之蠹。明目
張膽。以厲敢言之風。凡多士皆為之激昂。矧微蹤夙倚於成就。遂令狂斐
亦廁選掄。某敢不確謹操持。益圖報稱。三聲廷唱。偶隨等級。以居前。首拜
恩深。重念陶鎔之伊始。謝人賀賜第啓。比對明廷。張塵特舉。兩章控
避。莫回天地之恩。一紙來臨。後拜友朋之賜。未知稱塞。積有慚惶。伏念某
才本迂疎。識猶淺暗。頃進場屋。首犯責權。既憎糠粃之偶前。復惡瓦缶之
輒巧。訟劉蕡之下第。空辱公言。與李賀而爭名。幾成奇禍。敢期末路。復齒
清流。晨趨甲帳之嚴。暮拜丙科之寵。此蓋伏遇某官。學窮游夏。文煥卿雲。
槐花黃而並遊。每記帝城之舊。荔子丹而共醉。未忘閩嶺之歡。特假溢言。
偶膺異選。十名記佛。雖叨學者之光榮。一日看花。寧復少年之意氣。彭
士楚謝及第啓。執經北面。久依夫子之門牆。拜命南歸。誤玷聖朝之科

永樂齋集高聖言三十一

庚

目。得踰所望。愧溢于懷。靖惟進士之科。允謂清流之選。常布假途而筮仕。
冕旒親秉以疏恩。巖通谷隱。久我投中。相器將才。由此塗出。故露囊雖之
穎者。皆期立見。洪登孤之中者。咸願先登。矧惟廬陵。素稱多士。氣稟青原
之秀。才鍾螺浦之清。人銜隋珍。家藏卞璞。議論文章之末。皆醉翁數子之
淵源。經綸康濟之功。盡澹老諸公之事業。文風大振。仕進居多。或後先亞
蘭省之魁。或伯仲推太常之第。登禁林居八座。比比可稱。持從囊位三公。
源源相繼。是足為衣冠之盛。豈徒侈鄉里之觀。必當其人。乃稱茲選。如某
者。賦才不穎。托地甚寒。謬承奕世之箕裘。素被明師之陶冶。妄提寸管。干
試有司。幸標薦鷄之名。敢有鈞鑿之望。宜期末學。獲對明庭。唯才能本出
於下中。故名姓難居於甲乙。擲虛得雉。雖匪初心。解褐取青。已踰素分。遂
循忝冒。實有寅緣。茲益恭遇某官。學探畫前。文妙天下。月斧琢成於肝肺。
冰壺寫就於精神。入碧海掣鯨鯢。持餘事耳。上青雲誇騷騷。尚且遲之。暫
分典於泮宮。益養成於遠業。長安日近。行將入直於木天。泥軼星馳。姑且
平分於風月。鱣堂自此升矣。驥足始可展其。惟是謏才。夙蒙異顧。久被四
科之樂育。毋勞再駕。以成功。雖脫身韋布之中。謹頓首函丈之側。某敢不
廣充素蘊。仰慕前脩。猥訟簿書。豈辭勞於今日。功名事業。將有望於他年。

永樂大典

卷一四一三二

庶免小人之歸。圖為國士之報。鄭自成狀元。謝余察院啓。徒步入關。獲奉大庭之對。乘槎問漢。偶居多士之先。揣已懷慙。遭時為幸。切以皇綱肇立。聖化更新。博訪直言。盡華十三年之弊。欣逢昭代。遂彈千一慮之愚。惟君子小人之消長。治亂之原。若內夏外夷。和戰安危之計。智者嘗察於未萌之兆。庸人每安於近似之形。大權雖正。而未免多門。公議粗明。而迄無定志。上天變異之可畏。下民憤怨之未平。使曩時或進此言。已在鯁河之域。在今日樂聞其過。遂蒙拔擢之公。然非有穎脫之才。何足居臚傳之首。如某者。性資朴魯。學術空疎。每從承師問道以來。粗識憂國愛君之義。謂文章者哲人之細事。而節誼者天下之大閑。與其紆餘委曲以求華藻之巧。孰若懸直刻切以摅草茅之蘊。蓋嘗歷觀荅策。深鑒諛風。在熙寧則多言更變之宜。在紹聖則具論紹述之美。是為迎合。實可深羞。故當小安粗定之餘。力獻遠慮深憂之說。惟知報上。何意求名。矧惟四海之俊才。誰非鯁論。敢謂三山之後進。參列鰲頭。茲蓋伏遇某官。學術淵微。氣節剛大。昌言而裨國是。正色以糾官邪。茲善類之攸宗。亦公論之自出。遂令辱陞。首被寵光。某敢不求踐所言。益勵其學。此心許國。蓋已存於未達之初。直道事君。其敢背於受知之後。孫德興榜眼謝余察院啓。十年黃金飽翻。

永樂大典卷萬四十一

七

魚蟲之書。一旦榮辱偶聽。鰲頭之唱。名踰於實。愧積于懷。惟國家數路以取人。若穴四起而應詔。賢能之舉於郡國。既拔其尤。行藝之攷於膠庠。亦稽其素。斯朝輻輳。天聽親臨。合彼此以並觀。雖毫釐而不謬。矧居前列。宜得脩能。伏念某。樸樵小才。塵埃賤迹。回思客路。不知幾千。見斥詞闈。何嘗一再。惟先世嘗躋於黃榜。而舊物未復於青氈。志不能精。益勵焚舟之舉。真而後發。冀收甲的之功。幸舍選之陞優。迨內庭而待問。明明天子。方急直言。搢搢吉人。豈無奇策。敢意十條之對。猥蒙乙夜之觀。當今蟻穴難防。鴻飛方集。雖欲更張而鼓瑟。尚如未理之琴絲。斐然不知所裁。正虞狂簡。抑亦以之為次。誤辱選掄。臚音三唱於楓宸。高第更聯於粉井。茲亦感羞何以得斯。茲蓋恭遇某官。直道不欺。大節屹立。正容為府。不惟斥遠於姦邪。造膝龍輝。抑且助求於賢哲。矧辱在年家之子姪。實有資哲匠之陶鑄。遂使孱微。亦沾成就。某敢不誓堅素履。益慕前修。即義為天下之閑。敢渝所守。溫飽非平生之志。敬服斯言。周師銳登第。謝余察院啓。春闈鶴立。蒙收後入之益。孫天陞鴻傳。濫作先登之東郭。所謂自天而下。不知擊地之驚。祇服寵眷。深惕厲。切以出師而受於學。自古則然。選武而立之科。由唐而始。惟今所舉。視昔加嚴。命題而試之。兵機馳騎以觀其武藝。得

人為盛。應詔實多。如某者。才不逮中。學難語上。龍韜豹略。遺書僅得於一編。狸步虎侯。薄伎敢誇於七札。謾隨舉子。忙逐槐花。寧比武夫。藝穿楊葉。大比幸膺於鷄薦。南宮復與於鴈題。林進黃庭。遂塵清問。丹墀地近。密聯簪笏之班。黃屋天臨。親拜冕旒之賜。竭狂愚而靡隱。曾忌諱之不知。聖度優容。未忍加罪。上恩隆厚。仍置在前。聽初唱於臚傳。惟驚忝冒。視同登之士類。倍覺光榮。慙非李廣之無雙。誤呂公孫之第一。晴惟僥倖。悉自吹嘘。茲蓋恭遇某官。襟度冲表。議論端確。冠巍冠之獬豸。正直無私。問當路之豺狼。擊搏殆盡。屬殿廡之策士。輔宸極以程能。升黜既本於公心。去取式契於上意。致茲凡下。亦荷甄拔。某敢不益厲操脩。愈堅志趣。榮進素定。願聞先哲之談。功名自期。尚展平生之學。張煥謝及第啓。日月樓運。素負功名之志。風雲會遇。忽膺科第之榮。被寵若驚。過情而耻。切以用舍本由一院。窮通非有兩途。達乎已必達乎人。施之家即施之國。單瓢陋巷。殷周之禮樂已明。耒耜莘郊。君民之事業素定。第惟後效。未易前知。斐度取青。淮蔡之師正動。齊賢解褐。幽燕之策未行。豈謂大勳。俱由一第。信是題甄之秀。莫非入彀之英。如某者。涼薄無聊。空疎有靦。參內聖外王之衣鉢。割聞百氏之餘。撫中庸大學之菁華。徒立萬人之上。固知金鑄昏而瓦注

永樂大典卷萬聖百三

天

巧。敢謂鑽為鈍而鉉為銛。粵從點額以暴腮。尤切繩頭而刺股。一游費宇。浪倍鷄洋之諸生。再試南宮。遂作龍門之仙客。扶搖九萬里。而風斯下。縱橫三千字。而日未斜。百數何補於時。曾參理屈。三者皆出其下。吳起功卑。僥倖至斯。吹噓有自。茲蓋伏遇某官。以館閣之才。而分學校之職。以廊廟之器。而從州縣之游。教雨霑人。姑少正康成之席。屏星燭物。如親題仲舉之與。六一先生之鄉里。增輝。十八學士之瀛洲。在望。宜今朽鈍。例入甄拔。某既在選掄。當思報稱。名教之中有餘樂。敢替初心。忠孝之外無他腸。誓堅晚節。羅匯謝及第。三預周鄉之貢。徒玷鷄書。一從孔戶之升。遂登虎榜。何前失而後得。抑今是而非非。雖寵若驚。有偉其遇。切念設科立目。上期蒐獵於英材。覓舉求官。士欲推行乎素學。如編排之先後。由分定之崇卑。是以本朝惟求忠孝之臣。凡在前哲不為溫飽之計。載惟吾郡。凜有高風。醉翁之文。而澄庵之忠。益圖之勲。而誠齋之節。級次初焉。若異。事業蔚乎可觀。矧居維梓之邦。不遠伐柯之則。片言可以裨政。必為此圖。一分足以寬民。要推是念。賢當知其所慕。考書下以何嫌。如某者。蚤著虛聲。頗全定名。謂決科射策。非止乎利祿。而致君澤物。自是以權輿。茲素習於篆。雕鼠屢窮於鼯技。連借計吏。未奏太常。持戟失三。似難語勇。背城借一。後

銳鼓行。浪收蘭省之戰功。預拜楓宸之賜第。列甲乙丙丁之次。削簿書會計之聯。儻萬有一復展其平生。居四之中何足以深計。得誠匪易。端有自來。茲蓋伏遇某官。早蜚璧沼之聲。旋騁蟾宮之步。取士得倫魁之士。衡鑑甚高。命題合省試之題。索簪可卜。泮水一新於扁目。文風大振於囊時。其素辱品題。果叨揀選。誓益堅於素履。用仰答於殊知。四舉而後有成。每自笑鈍飛之翮。一命皆可行志。尚能遵前輩之規。凡曰官箴。更祈教戒。張希莘謝賜出身。萬里秋天。已快橫飛之鷄。三層春浪。幸逃點額之鱗。得之若驚。望非所及。敢憑尺素。少露寸丹。竊觀國家策士之文。及考先王求言之意。布帛就列。黼衣臨軒。上非藉此以為美談。下豈泛然而應故事。一篇訪問。悉令對上聖之經。六事疇咨。皆俾究當今之務。顧虛文之安用。惟實學之是求。儻非負仲舒博洽之才。何以稱漢庭勤渠之問。如某者。友求諸已。敢望其人。誦詩三百篇。粗究切磋之旨。對策千餘字。希陳剴切之言。愧無賈誼之陳。遽竊劉蕡之第。幸雙親之未老。冀寸祿以為榮。不再戰以成功。衆而後定。雖五甲而無愧。忠以何傷。但知據所蘊之猷。為英暇計。決科之高下。用究源流之自。端由長育而成。知有自來。報何以稱。恭惟某官。穎川英傑。壁水奇才。早題鴈塔之名。姑掌鱣堂之教。簪纓敬仰。俱泰山北

永樂齋卷萬聖百三

元

斗之高。冠履從遊。揚沂水雩風之盛。聊居領袖。未究規摹。且為倡芹宮。切莫厭居官之冷。將召還芸閣。豈久令坐席之溫。所幸慈惠。辱歸陶鑄。某敢不鞭其不逮。勉所未脩。樂矣育材。豈但見菁莪之詠。美而報上。又將歌天保之詩。趙時近謝及第啓。陪子大夫而對策。猥叨題鴈之榮。從古小宰以調官。仍玷棲鸞之職。雖侈聖朝之睦叙。宜跡侯泮之作成。甫歸拜於慈闈。亟進干於消渴。冒陳柔劑。祇控謝懷。惟我王家。眷予宗姓。自試文賜第於皇祐。暨創法赴舉於元豐。上有激昂。下無暴棄。故接武龍門者衆矣。或亞名鼇首者有之。况薰陶歐里之文風。且漸漬魯宮之教雨。宜有親賢之露穎。乃符明聖之臨軒。如某者。詞慚子建之波瀾。學謝更生之淵海。一經覃思。粗若可興而可觀。百戰爭名。尙敢患得而患失。至三上於禮部。遂群遭於廣庭。瞻衮衣日月之輝。欽承先問。獻章帶芻蕘之論。莫補舜聰。遠聆金闕之傳臚。例褫銀袍而賜綠。肯誇得意。看一日長安之花。所嘆強顏披三載考城之棘。才曷堪於作吏。祿幸可以及親。僥踰若斯。省循有自。茲蓋伏遇某官。才名卓冠。師道彌尊。一紙合浮圖之尖。已騰鷄表。諸生經巧治之鑄。咸奮鵬程。凡屬天戈。尤如風勵。遂俾樗材之陋。亦沾桂籍之香。某敢不永堅乃心。無負所學。以湛靖有謀。如劉子駿。此未足以致君。守卓犖

大節若李文饒。庶不辱於知己。周必大過省。謝知舉啓。上策太常。曾無高論。拜恩文階。亦玷末科。起白面之諸生。還青種之舊物。撫躬何幸。揣狀斯踰。靖惟當世之討。隆一視斯文之興廢。雖說說之習初。若紙上之虛語。然疊疊之實。乃闕域中之至權。適觀書契以來。可驗古今之證。詩書純正於三王之盛。治亦如之。辭章浮靡於七代之衰。言之醜也。昧者莫知其說。求之弗得其原。誰能正己以儀形。但曰與時而高下。况乎張科目之選。所以開功名之門。人競而趨。求中有司之程度。風隨以變。競吹一律之笙。竽。謂端厚浮薄之同流。於教化作成而何賴。天惟厭於俗弊。道乃興於聖時。盡祛五季之餘風。丕舉一王之成法。引天下於科舉。以圓冶英雄豪傑之氣。使天下之才智。咸屈折於文字筆墨之間。倡之以仁義道德之歸。嚴之以規矩準繩之正。權衡一付於鴻碩。風俗乃為之粹醇。若王文正之抑新奇。竟罷賈造之異說。而歐陽公之黜險怪。能變劉焯之詭辭。乃知善世之方。端自得賢而振。於斯為盛。可考而知。言經綸康濟之功。孰匪韓范諸公之事業。雖議論文章之末。亦皆蘇黃數子之淵源。自夸誕之繁興。幾靡雜而無統。甚乃周禪派之語。皆追媚時好之人。此風一蕩於輕浮。素行曾無於篤實。慨然當守之念。屬此掄材之秋。有是儒宗。付之文柄。將一洗於沈

薄之習。以盡還於正始之風。况臨軒和顏。非但三年之故事。凡對策高第。必皆一世之豪英。苟非其人。不在此數。如某者。自伶頑鈍。見識迂疎。稽遲燈火者幾三十年。奔走道途者踰二萬里。蓋嘗聞先生長者之論。欲自致學士大夫之間。敢期五技之將窮。乃有一技之可託。如斯際遇。敢有責緣。茲蓋伏遇某官。昭代名流。英躋萬望。上會稽探高亢。稟人傑之地靈。扶雲漢分天章。極儒先之德業。備藩宣於方國。最治行於都畿。將按路以登廣。乃春官而借重。謂軍國之容急於牧馬。而淮浙之執宜。且耕戰之事莫若屯田。而兵民之未決。進諸生而博問。期當務之悉通。推黜浮崇雅之素心。見拔滯振淹之明鑒。遂令公廕。亦在甄拔。某敢不益自勉於進脩。謹勿志於矜式。壯所行幼所學。當無負於此心。上為德下為民。期有見於斯世。登第謝萬倅啓。文陛奏篇。曾無長策。斯庭賜第。亦玷末科。起白面之諸生。還青種之舊物。撫躬何幸。揣狀斯踰。靖惟儒術之行。非但科名之謂。蓋正心誠意。有古人之學。乃致君澤民。成當世之功。假進士以為進身之階。至成物則推成己之道。惟其涵養之有素。見諸舉措以奚難。洪惟熙朝。益尊多士。若韓范經綸之勲業。與歐蘇講學之淵源。道匪虛行。世成蒙賴。凡登萬中之選。有輝千佛之名。必當其人。乃在此位。如某者。自憊頑鈍。見識

永樂大典

卷一四一三二

迂疎。接連燈火者幾三十年。奔走道途者輪二萬里。獨以嘗從先主畏者之後。頗欲自致學士大夫之間。厥有寅緣。而此際遇。故蓋伏遇某官。均宣德化。雅好文儒。海沂之賴。王祥。功已康於邦國。河南之款。黃霸。議皆合於人心。遂令牛馬走之微。亦玷龍虎榜之末。遭逢若此。報稱謂何。某敢不益自勉於進修。謹勿亡於矜式。壯所行。切所學。當無負於此心。上為德下為民。期有見於斯世。王庭珪謝新第人。造庭待問。發策決科。豈惟黨友之華。蓋亦鄉閭之盛。恭惟某官。久藉時譽。得高詞場。不有孤峯絕岸之文。豈預千佛名經之選。鴻都造榜。收一時蔚林之遺材。萬乘臨軒。喜天下英雄之入彀。矧觀賢業。以濟中興。敢辱華賤。尚及衰朽。龔茂民謝歐陽解元。伏審。隨牒漕臺。登名天府。首出羣儒之右。蔚為吾黨之光。伏惟省元。與學精深。長才卓越。明月夜光之寶。屢嘆暗投。玉杯繁露之書。終歸有用。茲聞謀野之獲。即聽驚人之鳴。舉進士而首歐陽。豈特光於闕會。兼賢良而得鼎錯。行遂冠於漢廷。某欣預榮觀。忽蒙盛贊。感銘既極。敷叙奚殫。州解元。伏審。論秀侯邦。觀光上國。方喜能書之上。遽蒙賓贊之臨。伏惟省元。文挾春華。名高月旦。擲奇取穎。已驚冀北之空。騰茂蜚英。彌覺斗南之重。某欣逢盛事。倍極歡棕。入對大廷。預想三千之賸。歸榮故里。行禮九

永樂大典卷一百三十一

三十一

萬之程。華鎮雲溪居士集賀盛且秘教及第啓。右某啓。伏審拜命。楓宸陛華桂籍。伏惟慶慰。新恩秘教。淵源問學。藻翰詞章。果枚拾芥之奇。不墜滿籬之計。方圖奏記。先辱飛文。感服增深。敷宣奚既。代謝人賀于及第。右某啓。星郵載路。適當聞喜之辰。桂籍騰芳。切有承家之慶。念其表之雖舊。願蘭玉以多慙。豈圖入彀之英。允屬過庭之子。年彌強仕。曾未越於禮經。名籍賢材。尚弗遺於世業。方軫既盈之慮。敢希溢美之談。進服謙沖。增深感輯。王之道相山集代張守彥賀未勒沈幼及第啓。射策楓宸。笑却萬人之敵。升華桂籍。榮題千佛之名。朝廷得賢。邦國交慶。恭惟某官。筆走群象。心醉六經。翻水成文。追異時之大手。撞鐘待問。號當世之長頭。月評既高。風鑒如賞。摘髭收第。雖吏部之相推。驅羊取官。亦舍人之自許。果膺慎惠。獲慰欽遲。顧桑梓以何功。屬竿牘之過禮。贈同錦繡。當馬篋衍之珍。報茂瓊瑤。益重心顏之愧。鄭剛中北山集賀秦撫幹登第啓。對策宸廡。標名前列。儒術可信。至類增榮。某官。世積清芬。學傳正緒。不見塵埃之氣。元非州縣中人。滿殿春風。錫冠裳而煥骨。全家和氣。連圖華以開華。某身繫遐邊。耳聞盛事。陪慶未遑於馳問。置郵先荷於飛緘。感愧之情。敷宣罔既。王漢濱先生集賀秦相子登第啓。魁擢南宮。鼎陞上甲。並桂枝

而爭秀。持荷索以躋榮。凡在陶鑄。悉同鼓舞。竊以世傳素業。從古為難。振至後昆。其天已定。負大寶由於積厚。源深必致於流長。惟君擇臣。而臣擇君。茂熙帝載。宜子生孫。而孫生子。疊冠賢科。恭惟某官。盛德格天。陰功蓋代。躋斯民於仁壽。可謂無前。青天下之英材。固應有後。遂使含飴之愛。爭先入彀之雄。襲威鳳之羽毛。奪老龍之頭角。中庸繼統。與子思而皆然。江漢陳篇。看召公之是似。某遠聞盛事。喜倍常倫。三策貂蟬。方仰傳家之慶。一葉燕雀。尤傾賀履之誠。播芳大全集。王瞻叔賀狀元及第啓。驢傳上第。魁冠群英。下明詔於九天。恩光挂籍。收大名於一日。光映儒林。伏惟驩慶。恭惟某官。英氣凌雲。宏材聳壑。蓄以中箱之學。發為金石之辭。卓爾異人。時推於間出。偉然大器。不俟於晚成。以妙齡秀發之資。奉高誼講聞之對。諸老誰先於賈傳。天子親擢於平津。喜費舍之有合。掩辭場之得馬。惟他日公卿之路。當由此而致君。凡一時父母之心。皆向風而祝子。華塗始踐。遠業難量。某久歷蓬壘。更窺珠玉。知洋洋於流水。偶贊文衡。引暗暗於明堂。實由聖鑒。擁長綬而肯頌。溢陋巷以生光。賀狀元及第啓。唱第中宸。冠名上甲。雖事從故典。推龍首以居先。而思出清衷。並桂林而擢秀。伏惟慶慰。恭惟某官。文知體要。學有淵源。望久重於鄉閭。聲特高於場屋。

永樂大典卷萬四五百三

五

屢泣荆山之璞。知者其誰。獨入堂獄之光。終然莫掩。擅世學以獨步。沾皇澤以兼文。有孤黃卷之心。耻試紅塵之吏。再鼓作氣。一鳴驚人。免梳凝乙夜之觀。軒陛自春雷之震。以賢良三策而為舉首。遂繼家風。起徒步數年。而取封侯。更看晚節。某頃因乏使。恭預攸司。設網于河。偶值靈龜之入。窺班以管。詎窮文豹之奇。方喜得於真才。忽過蒙於盛禮。汪彥章賀秦相子狀元及第啓。伏審令嗣狀元。親承聖問。擢冠群英。朝廷欣章舉之得人。天下慶公台之有子。驢傳一出。輿頌交馳。恭惟某官。勲塞兩儀。澤流百世。惟盛德神明之克相。故英才似續以方興。赫門間之光輝。新江山之氣象。三年而奉詔策。國南宮進士之所同。一舉而首儒封。蓋東閣郎君之未有。擅場屋敢言之氣。入衣冠盛事之圖。老成識面以爭先。童稚祝身而願學。雖迫於典故。姑令王勃以居前。然結此眷知。行見曾公之拜後。某傳聞榜帖。屬守麾符。滄溟徒看於鵬搏。大厦莫陪於燕賀。暑風清淑。機務優游。願求育粹之和。益茂象賢之慶。賀狀元及第啓。蘭省登賢。鼎分三傑。楓宸賜第。獨擅一夔。首膺綸綍之褒。亟陟蓬瀛之峻。朝廷著為盛事。衣冠流為美談。伏惟某官。器博以周。才全而敏。心傳家學。世代王言。圖萬里之鵬搏。甘十年之蠖屈。高文大冊。謂非公而誰宜為。勁草孤標。願於我不容。

何病。果超明詔。下應旁求。真一世英。當萬人敵。有昔山林駢解之氣。無時科舉翫散之風。卓爾不群。褒然為首。名未題於雁塔。身已致於麟臺。力追前人。每收舊物。乃如無狀。嘗佐攸司。先覩大篇。口誦手披。之不厭。精研奧旨。心悅誠服。而可知。愧修謁之未遑。辱貽音之驟及。備陳至契。益伏下風。惟韓氏之少師。暨吾家之大武。一時相與。四海共傳。逮至嚴君。亦蒙特薦。僕之恩地。公實外門。子幼文章。已增光於太史。羊公事業。將不愧於中郎。靜言浮議。之有加。深激悃悃。而無已。定交伊始。啓事莫窮。吳叔玉賀第三人及第啓。賜第宸廷。燕名鼎甲。傳玉音而申諭。藹桂籍以生花。伏惟慶慰。恭惟某官。經史淹該。文辭騰蔚。卓爾功名之志。見於識論之英。以質為郎。欲獻相如之賦。隨計詣闕。果蒙漢武之知。殊科收摘。領之功。絕技有中眉之恨。高名始唱。實居季孟之間。故事攸拘。遂處王揚之後。昭聲華於白日。開迹轍於青雲。某項預攸司。獲觀大對。拔象犀之寶。本自因人。探龍虎之稱。徒欣得士。過紆感服。賜既長騰。仰謙德之光亨。增鄙侏之感激。陳阜卿賀秦相孫及第啓。省元較藝。南宮首出。舉髦之選。陞華內閣。特新次對之班。遠廣漢之策名。登甲科而賜第。朝紳聚歎。再觀臚句之傳。究壹發祥。交映本宗之盛。驪騰遐邇。事冠古今。恭惟某官。當代元勳。生民先

永樂大典卷五萬四三百三十一

三

覺。優入聖域。非堯舜之道。不敢陳。化成人文。雖管晏之功。可復許。黼黻皇猷之嚴。棟梁王室之安。西掖東漸。治魏魏而日起。前英後哲。福袞袞以川增。府聯槐棘之榮。庭萃芝蘭之秀。惟時洪胄。誕毓巨儒。闕德藝於晨昏。奉義方於左右。俯從布韋之士。獨步翰墨之場。動喜色於三台。標高名於千佛。蓋孟子近孔子之世。况親見而知之。而倍公實周公之孫。宜熾昌之俾尔。天意永延於相業。輿情傾屬於師瞻。某久託大鈞。迭聞盛事。上聖主得人。之頌。雖愧軼材。歌君子有教之詩。徒懷香樂。賀秦待制及第啓。南省擅場。廣廷賜第。延登次對。通內朝侍從之班。典領真詞。兼史館刊修之職。增公府之盛事。律儒林之美觀。播之通遐。孰不欣抃。恭惟某官。清標秀發。鉅德早成。文章顯華國之才。共推大手。經術稟超庭之教。自有異聞。一從俊造之遊。再擬巍峩之選。洎承聖問。仍擢甲科。魁星連台。曜之輝。綵服映恩袍之色。遂席明綸之寵。幽路禁索之榮。奉香火于琳宮。不違娛侍。緬圖書於石室。允藉編摩。式彰眷注之深。併集便藩之澤。周公為師。而召公為保。惟左提右挈。而仰成。顏氏之子。而閔氏之孫。果後哲前英之繼起。某濫將使節。久托恩門。襲載傳龜。竊贊相延之慶。抽毫進讀。敢伸賓客之誠。賀秦少保男及第啓。省元擅場南省。次對西清。臚傳肅唱於大庭。風

米復高於前列。一人增體貌之重。四方傾星斗之誠。武偃文修。當昭代世
臣之盛。陰德陽報。喜慶門有子之賢。凡在聽聞。舉深歡抃。恭惟某官。德克
宇宙。功贊陶甄。中外倚太平之基。父子著大儒之效。彌綸治績。有古王佐
之才。模範士情。曰予天民之覺。神相百祥之積。嗣生一代之英。淡墨書名。
魁星助台階之象。紫荷入侍。雲衢近天漢之章。旋躋甲第之華。光貢上遊
之選。益隆譽處。進拜寵榮。教子義方。得師承淵源之自。有祖風烈。永功名
福祿之傳。某迹託化鈞。身拘官次。誦衣冠之盛事。贊恩闈。袞袞之祥。阻賓
客之後塵。罄賀悃區區之蘊。賀人子及第啓。慶發庭蘭。榮攀月桂。秦
名墨榜。已巍壓於群英。策第楓宸。竚首題於千佛。宣騰士論。喜溢親闈。恭
惟某官。學海梯航。儒宮柱石。崇言闕議。贊為天下之宗師。直道公心。肅政
臺綱之風憲。久慰士林之望。載瞻砌玉之芳。想九齡與於玄文。耻一經窮
於皓首。談論久闕於欵向。才華兼擅於機雲。宜慙俗子之蕞金。况在故鄉
而衣錦。有是父有是子。價重縉紳。無以立無以言。訓聞詩禮。宜地芥之俯
拾。看雲路之軒昂。行觀至德之榮。同居禁苑。更聽玄成之貴。繼踵台司。某
頃佐邑於鄞州。獲振衣於絳帳。進而加諸騰。雖子弟無以加焉。退則銘於
心。若天地不能忘也。側聞伯魚之騰踏。謾馳賀燕之騅呼。願展寸心。報先

永樂卷萬里百五

壽

尺牘。永言借濼。彌切凌兢。李守真賀人及第啓。奏藝明庭。策名上第。
喧前闕於廣路。觀者肩摩。落餘葉於四方。傳之紙貴。望高特俊。光動儒林。
乃太公養士之功。亦諸生稽古之報。恭惟某官。天姿峻徹。學術粹深。璧水
升堂七年。並席金鸞。唱籍一鳴驚人。蓋志大者氣全。故實修而名至。落落
高騫於日下。錚錚獨韻於殿中。御史直聲。固遺氣之自許。平津相業。不數
歲而可期。某夙仰英遊。阻聞緒論。方欲劾李邕之識面。慕盧仝之卜交。奉
詔殿廡。幸觀落筆。曳裾公府。復枉過門。惠然投我以夜光。何有報君之玉
案。載懷深厚。但極感感。通衢在望。絕足方道。陽春白雪之音。一時家相。金
馬玉堂之步。指日可期。某猥預盛時。喜聞榮捷。雖仰洛中之價。未親塵尾
之談。林崖塵賀人及第啓。兩家各生子。惟城南能勸其讀書。一門三
秀才。故天下皆歆其高第。以古而視。於今則榮。恭惟某官。學有新才。文得
真訣。以胃中之氣。獨尚于耿耿。而紙上之語。不為乎區區。詞場敢對於別
頭。筆陣肯輸於先手。沙洲獨馬。須嘗占鰲首之題。桂林一枝。今乃下龍精
之拜。雖黎嶺之姓名。偶似亦蒲陽之氣象。所鍾士大夫交口以劇談。童稚祝
身而願得一第。恩子幸以見少年之文。累月筮兒。將不量老翁之水。如其
喜躍。異乎尋常。茲又得珠幾之投。馬敢無瓊玖之報。賀人及第啓。子

永樂大典

卷一四一三一

何與娛。昔竊慕銜推之請。身為勸駕。華許從計吏之行。旋聞虎榜之姓名。益重鰥溪之人物。恭惟某官。文多奇氣。學有古心。獨婆娑乎海水之南。豈棲遑乎衡門之下。鯨波一釣。手引六慈。鴈塔初登。名標千佛。惟五嶺之外。無而僅有。故一國之中。望以為榮。造士論官。本司馬司徒之職。皆兒嫁女。亦老翁老婦之情。某喜不自勝。賀非敢後。倘未作咫尺之間。遽先壽左右之書。三年驚人。知母負賢能之舉。一第恩子。願勉登仕宦之途。張欽夫賀人及第啟。承恩天降。拜慶親庭。閭里為榮。士友增慰。惟策名委質。當思忠義之勉圖。而學道愛人。豈其利祿之是慕。願擴昔賢之志。永為鄉國之光。

永樂大典卷之二萬四千一百三十一

永樂大典卷之二萬四千一百三十一

三

重錄總校官 卞 邱 日 泰 為 書

學士 日 王 大 任

分枝官 編 修 日 張 四 維

書 寫 儒 士 日 張 成

圖 點 監 生 日 傅 遠 立

日 許 汝 孝